



07187

定鄉小識卷十五

石墨略

近世饒金石家亡友沈二癖嗜之嘗手拓曩

山風水洞摩厓示余此道光丙午春事遂約

搜摭故山事蹟實肇於此間輒同游危厓叢

薜間睇玩忘勸既沈君以學古文中輟且旋

物故可痛也朱文公題名見聶氏志唐元和

諸刻見兩浙金石志顧多謾損弗完完者志

友瓊梓之力也取其拓本釋之疏之粲然矣

定鄉小識卷十五

復旁錄他刻成是書魏氏縣乘於金石析四

例首金刻定鄉一粟地卽金刻無古且佳者

雖坳末如無有也故但曰石墨略言石墨尙

略耳吳越鐵井欄刻八卦文雲棲余知閣宅

界石西湖志錄之余弗取也存說於古蹟略

魏氏例不入墓志近諛且納幽也吳夫人誌

碣實躍諸土書蹟可玩視李氏所錄唐姚處

士朱孫花翁二志無文字者有間矣禾中新

郡志鼎敦碑甌多取張氏藏類一家私書矧

易徒非法定鄉卽窮僻時有購獲者要弗敢



雖全屨此書志也嗟乎生人非貞石遊者之墓草
因去數青矣弗獲覩是書之成然抑烏知石丈不
盡壽而諸刻假翰墨乃克千古耶是又數之

宋曹勛六和塔碑記

舊在六和塔文詳梵剎志

宋尙書省牒碑在六和塔內

尙書省牒大字正書牒文小字正書牒奉敕宜賜

開化寺為額牒至准敕故牒大字正書少保尙書左

僕射同中書門下平章事簽書樞密院事兼權參

知政事錢押同簽書樞密院兼權參知政事虞

定鄉小識卷十五 二

押並大字扁書隆興二年十二月日牒大字尙書省印付僧

智曇劉押臨安府印小字正書付開化寺劉小字正書

乾道元年七月日押臨安府印乾道元年八月日

宋修六和塔碑記在塔內磚刻字陽文首題大宋

宋國味書辛巳四月

宋觀世音經像碑在六和塔

佛說觀世音經前有大士圓光小像經文又已定

居士董仲永向施小字觀首經後以湮沒遂成中

輟今復命工刻經於石用廣其施又求得菩薩妙

相李伯時墨本同刻諸石作無盡施仲承稽首合

掌說偈錄不時紹興二年歲次壬子中元日記

小楷書此段在經文前冠以觀音佛跌坐像

宋金剛經碑 在六和塔

金剛般若波羅密經真行書各體不具名款如經文分三十二段經不錄

昔熙甯盛時賈文元公與名德耆舊三十有二人

為僧智利悟朋共書金剛經一卷今朝廷奠安四

方無虞六和塔主僧智曇請於親貴鉅公接踵前

規合同寫此此跋隸書下文缺

宋佛說四十二章經碑 在六和塔

定鄉小識卷十五

三

特進尚書左僕射同中書門下平章事吳興郡開

國公沈該第一

左正奉大夫守尚書右僕射同

中書門下平章事縉雲郡開國公湯思退第二

左中大夫知樞密院事陳誠之第三左中大夫

參知政事陳康伯第四左太中大夫同知樞密

院事王綸第五左太中大夫權吏部尚書賀允

中第六左朝請郎試尚書吏部侍郎兼史館

修撰兼侍講葉義問第七左朝請大夫試尚書

兵部侍郎兼侍講兼直學士院楊椿第八左朝

散郎試給事中兼直學士院兼同修國史周麟之

第九段 左朝散郎試中書舍人兼權樞密都承旨

洪遵第十段 左朝散大夫充敷文閣待制提舉佑

神觀楊傑第十一段 左朝奉大夫權尚書吏部侍郎

沈介第十二段 左中奉大夫權尚書戶部侍郎趙令

諷第十三段 左朝奉大夫權尚書禮部侍郎兼侍講

孫道夫第十四段 左朝請郎權尚書工部侍郎王

晞亮第十五段 左朝請郎權尚書刑部侍郎兼權詳

定一司敕令黃祖舜第十六段 左宣敎郎試起居舍

人兼權中書舍人張孝祥第十七段 左朝請大夫太

常少卿兼權中書門下省檢正諸房公事宋棐第十八

定鄉小識卷十五 四

八段 左朝奉大夫守宗正少卿金安節第九段 右

朝請郎守大理少卿李洪第十一段 右朝議大夫司

農少卿董莘第十二段 右中大夫行太府少卿錢

端禮第十三段 左朝奉大夫將作監張宗元第十四

段 左朝請大夫軍器監張運第十五段 左

朝請大夫尚書吏部郎中楊朴第十六段 右朝

奉郎守尚書戶部郎中兼權金部郎中莫濛第十七

段 右奉直大夫尚書刑部郎中路彬第十八段 右

左朝散郎守尚書工部郎中張廷實第十九段 十

左奉議郎守尚書吏部員外郎兼權尚書右司郎

官周操

第二十九段行書

左朝奉郎尚書吏部員外郎

兼國史院編修官兼權樞密院檢詳諸房文字葉

謙亨

第三十段行書

左朝奉郎尚書吏部員外郎兼國

史院編修官胡沆

第三十一段行書

右朝散郎尚書司

勳員外郎陳俊卿

第三十二段

左宣教郎守尚書司

封員外郎鮑彪

第三十三段

左朝請郎尚書考功員

外陳棠

第三十四段

左朝散郎尚書禮部員外郎楊

邦弼

第三十五段

左朝奉郎尚書祠部員外郎兼權

國子司業張洙

第三十六段

右承議郎尚書刑部員

外郎黃子淳

第三十七段行書

左朝請郎尚書都官員

定鄉小識卷十五

五

外郎兼玉牒所檢討官兼權戶部員外郎楊傑

第三十八段

左奉議郎守尚書比部員外郎沈樞

左朝請大夫行尚書屯田員外郎韓彥直

左承議郎祕書丞兼國史院編修官兼兵

部員外郎虞允文

第三十九段

右奉議郎祕書省校

書郎兼國史院編修官兼權尚書駕部員外郎洪

邁

第四十段

聖宋紹興乙卯冬十一月旦西

蜀布衣武翊跋

跋不錄

都勸緣住持傳慈恩宗教

僧智曇立石

正書

李氏西湖志云六和塔大小諸經榻俱極一時

書人之選且字畫完好可玩

宋刻真武像碑

舊在真聖觀

清祐間命摹本
進理宗為製贊

右碑魏氏以為在塔而翟氏云在塔側真聖觀

言道士汪師隆藏有吳道士真武像清祐間鄭

清之摹刻於石拓本上進理宗御製贊說本潛

君高臨安志真武為道家崇奉宜在觀也然明

田藝衡游五雲山記云六和塔燬已久中存宋

理宗真武像石刻無恙則久自觀移至矣

宋歐陽修小草秋聲賦歸雁亭詩石刻今舊在真聖

觀雁或作鶴

定鄉小識卷十五

六

宋洪邁撰陳鑄城南堂記石刻舊在真聖觀

宋趙汝談保壽院碑記舊在保壽院今不存

文詳梵剎志

宋龐承寵天池寺碑記

舊在天池寺

文詳梵剎志

明劉夢謙雲棲免役碑記在雲棲寺

明馮夢禎雲棲蘭若志石刻在雲棲寺

明陶望齡雲棲寺碑記在雲棲寺

文詳梵剎志

明董其昌雲棲寺碑記

在雲棲寺

文詳梵剎志

明余良樞萬年橋碑記舊在范村南萬年橋側

萬年橋卽宋橋

宋詹昌縣太君吳氏墓誌銘 在定南山

資政殿學士通議大夫知江甯軍口提舉本府學
事兼管內勸農使口口南東路兵馬鈐轄上輕車
都尉河東縣開國伯食邑九百戶薛昂撰文

朝散大夫試禮部尚書騎都尉口口縣開國子賜
紫金魚袋強淵明書丹

朝奉大夫充顯謨閣待制提舉杭州洞霄宮口都

尉文安縣開國男食邑三百戶賜紫金魚袋蔣靜

題蓋誌十九行每行二十七字末行十七字除空
格計文四百九十八字銘四行每行十六字

未行八字計文五十六字碑尾書錢塘陶揆模
勒六字碑首題銜百二十三字共六百八十三

定鄉小識卷十五 七

字俱正書文
詳古菱攷

是碑道光中桑柳村鋤山所獲兩石俱完好攷

誌文以政和六年四月丁酉奉夫人耐於杭州

錢塘縣定山朝奉君之墓次則定南山古亦統

隸定山矣薛強蔣朱史俱有傳昂字肇明杭州

人元豐八年焦蹈榜進士官至資政殿大學士

吳越太尉居正三世孫淵明字隱季錢塘人至

子與薛昂同第歷濟杭二州教授大觀三年知

越州見紹興府志卒贈資政殿學士淵明與兄俊明

陟明齊名後明熙寧九年進士崇寧三年官
靜新東提刑陟明元祐六年進士

字叔明宜興人第進士官安仁令後以大司成
出知洪州告歸加直學士是碑書法俊挺逸秀
近虞褚無碑版習氣且完好可玩石縱長二尺
宋徽五寸橫徑三尺淵明能書顯宦而名僅附見父
傳固亦有幸不幸然由志乘率苟故也又刻工
陶揆亦鐫字世家也揆之先有陶翼陶拱家嬪
是業見慈雲嶺石龍院石刻僧冲羽書心印銘末云陶翼并男拱
鐫字天宋皇祐癸巳歲七月草堂僧慎微糾同志刻于石龍院之厓揆拱疑爲兄
弟行又越中金石記載薛昂崇寧四年皇帝賜
辟離詔後序銜稱承議郎試大司成兼侍講武

定鄉小識卷十五

八

騎尉保寧縣開國男食邑三百戶賜紫金魚袋
臣薛昂奉聖旨撰并書後有承議郎守國子司
業兼同編修國朝會要武騎尉賜緋魚袋臣强
淵明及朝散郎試中書舍人雲騎尉賜紫金魚
袋臣蔣靜等奉敕題額按此序在墓碑前可考

見三人官資所由

宋趙伯衛題名在定山

趙伯衛牧仲游紹興己卯九月十七日

右摩厓正書二行字徑寸餘伯衛紹興間爲錢

塘令見縣志

宋梁安世等題名 舊在曇山

梁安世次張鄭濤次山淳熙癸卯六月四日偕游
右題名今已不可覓想爲斲石者所損矣梁安
世宣平人登紹興二十四年張孝祥榜進士見
浙江通志又處州府志作麗水人又云安世少
穎異雅志讀書過目成誦與張孝祥爲忘年友
淳熙間由進士自大農丞出守韶州累官至轉
運使所著有遠堂集又俞文蔚吹劍錄括蒼梁
民懷首創民兵捍禦方臘有功郡縣議上聞民
懷不肯旣得子名安世年十九登科安世字次

定鄉小識卷十五

九

張官至司農丞廣西漕次山爵里無攷卽當時
築園亭於曇山者也癸卯爲淳熙十年先於朱
文公題名之歲凡十二年劉昌詩蘆浦筆記淳
熙辛丑子吝桂林運使梁次張舉似石芥詩今
未忘也擷根山石貯瓶罌柱後緘題見者頽風
味莫嫌無醞藉杯棹甚解作聰明願言則噓傳
心事搔首踟躕散宿醒最是徂徠名道地至今
奸膽亦魂驚按辛丑前此游二年則此游在漕

廣西後矣

宋清虛洞天四大字 在曇山仙人洞內

清虛洞天 紹熙三年夏五月癸巳刊

右四字篆書大徑尺許右題識十字一行正書
大仙人洞內一巨石橫出如臂狀欲拏壓人此書
仰鑿石面遊人仰觀翹頷脫幘不知當日何以
宋朱書刻也歟不著名想亦鄭次山輩所爲

宋朱文公題曇山詩書在曇山棋枰石南側石壁上
頽然見茲山一一皆天作信手銘巖牆所願君勿

鑿

右廿字正書二行每行十字左行文公初游曇

山所題也君者指山主鄭次山曰頽然有乍觀

定鄉小識卷十五

十

之意特不知初遊爲何時耳聶氏錢塘縣志引
朱子紀事次是詩於紹熙甲寅題名後云因題
鑿石上云云則誤爲重游時事矣且不知詩字左
頽行復以信手二句爲起非是摩厓低傍游履石

宋朱蘇頑蝕倉卒莫辨

宋朱文公重游題名 在曇山仙人洞側

紹熙甲寅閏十月癸未朱仲晦父南歸重游鄭君
次山園亭周覽巖壑之勝裴回久之林擇之余方
叔朱耀卿吳定之趙誠父王伯紀陳秀彥李良仲
喻可中俱來

右六十二字正書摩厓共十六行每行四字末
行二字字徑二寸文左行縱一尺四寸橫四尺
四寸聶氏錢塘縣志引朱子紀事壑作泉裴回
作徘徊定作寶誠作城紀作純俱誤考甲寅爲
紹熙五年光宗升遐寧宗初立文公以丞相趙
忠定公薦除煥章閣待制閏十月十九日面對
忤韓侂胄去國寓居西湖靈芝寺癸未乃是月
二十六日南歸蓋歸閩也兩浙金石志乃云宋
史光宗紀紹熙二年三月詔福建提點刑獄陳
公亮知漳州朱熹同措置漳泉汀三州經界此

定鄉小識卷十五

十一

云南歸自閩還也則爲辛亥年時事盡誤又以
鼻山爲定山可中訛作可忠並非從游弟子可

知者林擇之古田人

名用中

余方叔上饒人

名大猷

王伯紀金華人

名漢

李良仲平江人

名杞四朝聞見錄云慶元

元年韓侂胄欲逐趙忠定遂禁僞學李文公去國寓居西湖靈芝寺平江木川李杞獨叩請得窮理之學有紫陽傳授以爲慶元是此人也但公去國實於甲寅葉氏以爲慶元年非也餘俟續考湧幢小品云晦翁門人可考者三百三

十八人無考者五十三人之數君者其在無考之列與鄭次山名濤見風水洞石刻是書剛勁適肅確爲文公手書蘇氏以爲用筆結體不似

朱子他刻疑屬弟子代書非也且厓石完好波
畫明麗首數行公題名處石瑩潔如常搨之碑
精采倍常疑有神護可寶也錢塘湖上諸山公
未嘗有題刻惟此山兩題而已詩略漫漶不易
搨是書搨本好事往往裝池成卷詫爲希有乃
兩題尙見聶志而魏氏邑乘略而不錄何歟

蘇愔元

字厚子號芝樵桐城布衣

書朱子遊鄭次山園亭題名後

此摩厓題名在杭州西南定山村西曇山仙人洞
側西距風水洞二里餘茲山巖石玲瓏最可游覽

定鄉小識卷十五

三

按紹熙甲寅朱子年六十五歲寧宗初卽位丞相
趙公汝愚首薦朱子七月自湖南安撫召赴行在
八月除煥章閣待制兼侍講朱子屢辭不允十月
五日乃受命時韓侂胄擅權朱子連上疏論還內
過宮山陵朝綱四事閏十月十九日面對又極言
左右竊柄之失侂胄大怒寧宗亦不悅是日遂以
御批罷侍講除宮觀趙公袖御劄還上固諫侂胄
遣中使徑赴外朱子上奏謝遂行立朝止四十六
日耳十一月還考亭癸未乃二十六日正去國將
歸時也鄭次山不見文集語類林擇之等皆爲弟

子擇之名用中古田人爲高弟從游最久朱子甚
愛重之余方叔名大猷上饒人文集有答問李良
仲名杞平江人語類有記甲寅所聞其餘俱不見
文集語類王伯紀名漢金華人曾齋之叔見弟子
考又按此書用筆結體不似朱子他刻或弟子之
代筆歟從來聖賢之仕也皆因小人沮之蓋不能
得聖君明主而事君既厭正言之逆耳而小人又
復多方排擠是以道不能行席未嘗煖而卽去國
古聖賢皆同一轍也君子惡小人之誤國小人惡
君子之異己君子欲去小人往往勢孤力弱而反

定鄉小識卷十五

三

爲小人所中小人欲去君子則黨眾力齊而讒害
君子殆盡矣吁可慨哉錢塘沈君象元家茲山之
下以題名搨本贈余余因此繫乎朱子出處文集
未載志乘亦不著故裝演而識其大略云

附詩

曇山讀朱文公題名詩

鳳皇翔千仞訓狐嘯喬枝僉壬枋國政君子歌雉
噫賢奸邪正不兩立人國治亂恆視斯三月未暖
司寇席五鼎反惑臧倉辭坐致生民日板蕩千秋
論世徒傷悲南渡四葉帝當璧紀年未更仍紹熙

歲在甲寅秋七月公正安撫湖南陞宗英賢相老
憂國一紙首薦王者師煥章待制兼侍講煌煌宣
詔騰丹輝十月五日始受命乃淹兩月何遂遲鋤
刈芝蕙植蕭艾定知暮氣難支持抗章屢辭不獲
命遂疏四事陳便宜致君堯舜恨無術疇亟鵬咬
升臯夔是時平原弄威福熏天意氣如窮奇山河
半壁入牛角輒思唾手燕雲窺閨月十九公面對
極言左右羅梟鳴公盜太阿召敵衅天下岌岌當
阡危老臣不言罪合死陛下不信盍三思觸忤權
倖拂上意遂降御批除宮祠投閒幸不籍邊瘴尙

定鄉小識卷十五

酉

免謫逐加鞭笞丞相袖劄亟還上固諫不聽私吁
噉飄然去國上奏謝不遇有命夫何疑立朝四十
六日耳小人得志時難爲從此慶元禁僞學榜堂
不殊元祐碑要使正士一網盡乃得恣睢行朦欺
理學晦蝕兵氣熾後來戎禍叢開禧魏公地下應
震怒赤吾族者其纖兒勢敗朽體竟爾北此舉直
晒南朝衰公歸非特見幾早要揭大道同朝曦徘徊
戀闕不忍去寓公湖上棲靈芝時公年已六十
五道氣偉健神冲夷考亭歸去實冬仲此行正際
將歸時癸未日當二十六按朔猶得推幹支從游

侍杖九高弟門墻觥觥尊聞知余王吳陳趙朱喻
攀龍附驥聲遐施其間林李更傑出直以孔室顏
曾期公卽鬱快不竟用巖壑入手心爲怡况茲奇
秀甲吳越鬼斧鑿削疑神睡名山偃蹇晦幽僻恥
與世俗爭妍媸幸入道眼乃異數如人遇合有偶
奇不見錢塘山萬疊公跡未到氣象卑

錢塘諸山
公題名惟

此而

已 風霜摧盪特完好大書深刻神淋漓伸鉤屈

鐵氣獨厚剛健時露孤雄姿忠義激發入翰墨六
十二字蟠坤維老腕未信師魏武何事更數絲與

羲光怪熊熊照幽夏天神祇敬驚魑魍縱橫四尺

定鄉小識卷十五

五

有六寸精采致許落華滋素志了不玩山水直欲
四海均平治道旣不行作歸計假託游覽供委蛇
公游去今七百載蒼厓闕跡驕荒茨萬厯縣令頗
搜采掌錄紀事微參差南樂績志總鹵莽賢蹟照
眼胡見遺

康熙中錢塘令
魏嶺南樂人

儀徵相公癖嗜古兩浙

持節搜褐彝移膀獅嶼惜地外屨繆卻要重刊劄
隱侯子孫我良友私懼滅沒登屢屢雲章手扶功

特偉瓊杵不憚荆榛披

沈君肖雲居近巖
山曾手拓示余實持矜

貴未易得每逢佳士亦分貽海內自今識公筆衣
冠拜讀無瑕疵龍眠老人蘇厚子殷勤題後垂涕

溟道此繫公出處節斯文未喪今在茲但疑使筆
結體別苦引他刻分澗淄甲寅之游實再至初游
早鏤銘巖詩願君勿鑿意戒切天然靈秀毋殘糜
德默逐利彼何識城門火乃殃及池少讀公書愛
公筆護持端賴良有司矧召崑崙帝囚出羽妖夜
嘯聲嘻嘻毀侮先賢更宜罪庶幾伸法威民蚩旁
居人采石燒灰毀摩厓數處去題名近藝及我
且損山脈屢召火患余與沈君請縣令禁之
家去山十里近支筇捫歷行忘疲但恨園亭主人
去寒烟蒼莽橫無涯山中誅茅計倘就臨摹不用
師雲麾

定鄉小識卷十五

去

宋雲泉靈洞四大字 在雲泉山風洞下大石壁

雲泉靈洞

皇祐庚寅元居中篆院僧忠信命蔡才院僧口立
右大字篆書分兩行行二字大徑丈許書法迥
古雄健偉爲鉅觀石壁挺立前撲可以避雨無
風霜之虐苔蘚之蝕不溜不剝故至今精采異
常惜乎游筇罕經爾入永闕潛君高之流遂不
知是山有雲泉之號欵字一行正書庚寅爲皇
祐二年先於熙寧之游二十年矣錢塘元氏爲
甲族少師元絳位至丞弼居中當亦錢塘人也

兩浙金石志元居中邵武人康定元居中嘗知

年以將仕郎任唐興令當必有據歸安縣事見湖州郡志後知宿州見泗上錄泗

錄元居中作宿州有官妓小蘇善歌舞令就座客關彥長求詩贈詩云昔日聞蘇小今朝見

小蘇未知蘇小又治平四年有提刑元積中立

貌得似小蘇無石鹽橋運河岸事見東坡請開河狀當卽居中

昆仲又居中有題錢塘千頃院瑰石詩云人久

眾所憎物久眾所惜爲負磊落姿不隨寒暑易

見杜綰雲林石譜

宋祖無擇等題名在雲泉山風洞下石壁

祖無擇沈振元居中張先熙寧己酉孟秋晦日偕

定鄉小識卷十五 七

游

右篆書五行每行四字字徑八寸文右行完好

無損按祖無擇字擇之上蔡人進士高第治平

四年十月丁未以右諫議大夫加龍圖閣學士

知杭州明年神宗卽位改元熙寧己酉爲熙寧

二年正典郡時也邵氏聞見錄祖無擇登甲科

與王介甫同知制誥熙寧二年介甫參知政事

時無擇知杭州介甫密諭監司求無擇之罪使

御史王子韶按治無所得坐送賓客酒三百小

瓶責節度副使安置元豐中復祕書監集賢學

士移知光化軍卒士大夫寃之張先字子野吳
興人天聖八年進士卽張三影也是游祖擇之
有慈嚴院詩元居中張子野俱有慈嚴院上祖
使君詩沈振錢塘人字發之以大祠郎起家累
官至司農少卿見沈遼伯少卿埋銘遼言振以
熙寧六年卒年七十三則來游時已六十九矣
而子野正八十亦老健哉

是人

滙水燕發錄錢塘沈振蓄一琴名冰清卽

宋周之祥等題名 在雲泉山風洞下

元祐癸酉八月二十一日周之祥履中何志同彥

定鄉小識卷十五

文

時黃策子虛來游

正書左行分四行首行八字次行七字三行六
字末行五字周之祥何志同黃策見元祐黨籍
碑餘官第三十三黃庭堅太學試院題名記敘
元祐三年東坡知貢舉時點檢試卷官有履中
當卽周之祥也志同龍泉人元祐辛未馬清榜
進士初校讐麟閣靖康中金寇頽昌守臣曾開
懼宰相以志同代至郡勵士死戰會虜以數萬
騎至不敵城陷志同委子女挺身出招散亡時
高宗以大元帥開府濟陽志同率范埴等三十

騎赴之上見嘉賞先志同嘗密啟南都祖宗興
王地請正位號及移蹕南都復申前請從之以
志同攝大尹見處州府志策字子虛彥之子中
進士乙科爲雍邱縣主簿元符末詔許中外言
事時昭慈旣復位號典冊有未盡正者因上書
引古義力爭之崇寧初黨論起名入黨籍羈置
登州會赦還鄉里遂休官號隨緣居士欽廟嘗
書隨緣二字賜之建炎中追錄黨人除直祕閣
見龔明之中吳紀聞癸酉爲元祐八年書法頗
肖黃涪翁完善無殘損可玩也

定鄉小識卷十五

九

唐李幼清題名 在雲泉山水洞

睦州刺史李幼清元和元年十一月廿九日題

右正書兩行行九字字徑寸餘左行完好李幼
清新舊唐書無傳浙江通志李幼清憲宗時爲
睦州刺史元和四年任據題名則元年已典郡
矣

唐李夷簡題名 在雲泉山水洞

饒州刺史李夷簡口口游元和二年四月十二日

赴

下
缺

右正書兩行首行簡字下缺次行赴字下缺字

大者二寸餘小者僅四分之一在李幼清題名

右同一厓左行李夷簡字易之為鄭王元懿後

舊書李宗閔傳宗閔宗室鄭王元懿之後父翽翽兄夷簡元和中宰相新書本傳

云元和時官至御史中丞京兆尹楊憑性驚悅

始為江西觀察使冒沒於財夷簡為屬刺史不

為憑所禮至是發其貪貶臨賀尉史但言屬刺

史觀此刻知卽守饒也舊書楊憑傳祇云在巡

屬更疏矣憑在江西夷簡自御史出官在巡屬憑頗疏縱不顧接之夷簡常切齒

又夷簡刺饒替李吉甫舊書憲宗紀永貞元年八月以饒州刺史李吉甫為功郎中知制誥蓋

吉甫內召而夷簡往代也所云赴者當是召為

定鄉小識卷十五

辛

刑部郎中赴京闕也舊書憲宗紀不載夷簡刺

饒及內召刑部事惟元和四年書以刑部郎中

侍御史知雜李夷簡為御史中丞則自永貞元

年刺饒次年卽元和至元和二年內召刑部郎中

四年而擢御史中丞宦蹟灼然矣或曰如是時

赴闕宜書新銜不應尙題饒守想別有公赴耳

然石墨無語姑存疑

唐武儒衡題名 在雲泉山水洞

攝都團練口口前國子監四門助教武儒衡元和

二年二月廿日題

右正書五行首行練字下缺次行前字上缺一
字左行考武儒衡河南緱氏人宰相武忠愍元
衡從父弟舊唐書本傳云武儒衡字庭碩憲宗
以其以元衡橫死王事嘗嗟惜之故待儒衡甚厚累
遷戶部郎中十二年權知諫議大夫事尋兼知
制誥然儒衡守道不回嫉惡太甚終不至大任
尋正拜中書舍人遷禮部侍郎長慶四年卒年
五十六其題名所敘官秩則未遷戶部郎中前
職也儒衡爲人偉直明俊嘗疏劾皇甫鎛尤見
忌於令狐楚鄙元稹依倚內官風節粲然是書

定鄉小識卷十五

三

端勁類顏魯公肖其爲人又按職官志上元後
改防禦爲團練守捉使又與團練兼置防禦使
名前使名有副使判官皆天寶後未見品秩又
國子監四門助教從八品上階

唐鄭敦禮題名 在雲泉山水洞

殿中侍御史內供奉鄭敦禮元和二年五月七日
赴新定口
右正書左行四行首行六字次行五字三行八
字末行定字下缺是書大者徑二寸小者四分
之一雄健端厚有力絕類顏書家廟碑蓋唐自

肅代後顏書盛行風會使然也鄭敦禮生平無
考殿中侍御史從七品下階掌殿廷供奉之儀
式故稱內供奉

唐盧縝等題名在雲泉山水洞

范陽盧縝元和四年十月廿五日時縝攝富陽令

鄭暉裴損後到

右正書四行首行七字次行九字三行七字末
行二字完好無剝蝕大者徑二寸許惟月日字
差小書法亦類魯公而雄偉中參以稠儻不縛
於法盧縝鄭暉裴損俱無考縝令富陽郡臣志

定鄉小識卷十五

五

亦未載可補富春職官表損或釋作垣非是兩
浙金石志載此廿五下缺日時縝三字鄭字下
缺暉裴損三字定香亭筆談陳默齋騎尉訪碑
至定山得唐元和間題名四種皆昔賢所遺足
補志乘也按定山宜作雲泉山

唐沈岫題名在雲泉山水洞

吳興沈岫口元二年正月卅日題

右正書左行三行首行岫字下缺次三行各四
字字徑寸五分完好可讀紀年不知何元考唐
年號繫元字者高宗上元玄宗開元肅宗乾元

德宗興元貞元則此書尤在元和諸題名前沈岫無考湖州郡志載唐有孝子沈嶠岫豈其羣

從歟

唐李口舉等題名 在雲泉山水洞

監察御史李口舉杭州刺史曹全口試大理司直

王口

右正書三行隨厓之長短書之每人官秩姓氏爲一行其末王某行厓促字遂縮疊無有年月監察御史舊書職官志正八品上階大理司直從六品上階曹刺史名缺不可識自來郡志未

定鄉小識卷十五

三

有載者此與沈岫題名雖莫定其實然爲唐人無疑也兩浙金石志云此與元和題名爲山陰陳總戎廣甯接得皆向來著錄家所未見

宋許道孚題名 在雲泉山水洞內

景祐四年口月二十九日吳門許道孚

右正書左行分三行斜書首行七字次行五字末行三字書法秀峻如虞永興

宋才翁題名 在雲泉山水洞左右厓

才翁題名洞中

右正書六字左行二行每行三字大徑二寸許

完整如新惟洞字略損才翁爲蘇舜元字蘇別
於洞中題名故標識於外按西湖志千佛頭有
才翁題名云皇祐元年己丑九月提點兩浙
守尚書度史員外郎蘇舜元立石此刻當亦其
時所作然洞中之題則無可覓矣
蘇文忠題名在雲泉山水洞上石厓亦嘗刻

蘇軾子瞻

蘇軾子瞻詩集卷之四

右正書在游茂先題名右連厓相屬考東坡烏
臺詩案熙寧七年爲通判杭州於正月二十七
日游風水洞當年再游風水洞而王梅溪蘇詩

定鄉小識卷十五

十四

注引詩案作六年其後王宗稷東坡年譜作七
年傅藻紀年錄作六年而邵長蘅以爲年譜誤
則是題當在六年也然是年正月及八月望兩
度皆與節推李佖同游後出典杭郡時於元祐
六年二月相視石門新河經道水洞亦有侯敦
夫葉涪老張秉道從行則必同題乃僅存四字
并無年月欸識意當黨禁時刻去而後人影樞
他書真蹟就厓隙補刻者全字內及右旁隱隱
有字痕蓋其先曾有他題名也
咸淳臨安志坡
俸杭凡三年足

跡徧湖山如楊村風水洞
遠在五十里外游且再至

宋魯有開題名 在雲泉山水洞內

□□□□□□□□□□開元翰過此熙寧八年

十二月十八日

右正行書僅存三行首行五字次行五字三行
五字其開字前數行已缺矣字大徑二寸漸次
斜漫向東與許道孚題名連匪其書法亦類東
坡考元翰爲魯有開字扶風人施注蘇詩云元
翰名有開乃肅簡公之姪自知南康代還王介
甫問江南如何元翰對新法當爲異日患介甫
怒僅得碎杭公時亦爲杭碎與魯同官魯先代

定鄉小識卷十五

五

去七卷有壽星寺餞魯少卿詩卽元翰也按東
坡又有送魯元翰少卿知衛州詩後守杭又有
以東川清絲寄魯冀州戲贈詩此魯後來官資
也在杭嘗與東坡游覽如靈鷲寺題名云熙寧
七年楊繪魯有開陳舜俞蘇軾書石屋洞題名
云熙寧甲寅十月二十五日扶風魯元翰游石
屋洞君彥君亮侍行南屏題名云魯元翰熙寧
乙卯仲夏再游下天竺題名云楊繪元素魯有
開元翰陳舜俞令舉蘇軾子瞻同游熙寧九年
九月二十日此題與南屏石刻同是年也或者

宋魯

釋開作關緣古無開姓以爲關元翰不知是行
適首開字其前行魯有二字已缺故也其題識
正與下天竺相同又右邊缺處似非僅一行安
知不與東坡俱游而同題耶

宋游茂先題名 在雲泉山水洞上石厓

建安游茂先行按浙東晚宿慈嚴元符三年八月
二十六日男抃侍行

右正書作四行寫首行五字次行五字三行六
字末行七字左行其男抃侍行四字在左邊別
一行寫字畫完美如新鐫神采煜發用筆結體

定鄉小識卷十五

五

頗似東坡厓又旁連東坡題名不知者遂誤爲
蘇書游茂先按浙事蹟無考抃字或釋作林或
釋作杵

宋陶定題名 在雲泉山水洞

新江西提點刑獄吳興陶定被旨奏事乾道庚寅

夏六月癸亥來游

雲泉山水洞上石厓

右正書左行分五行每行六字末行二字字徑
寸餘有數字略損可識庚寅爲乾道六年其來
游則自豫章赴行都所經也陶定嘗爲龍游令
范石湖驂鸞錄乾道癸巳歲正月十二日宿龍

游縣龍邱驛未至有長橋前令陶定所作又語
溪橋上僧舍卽漫郎宅有陶定書中宮寺榜

宋趙忠定題名 在雲泉山水洞 風水洞寺 開封趙汝愚爲正字時聞艾軒 宋家也九年秋七月解后同游水

右正行書分三行每行十字次行中三字漫蝕
不可辨忠定以宗室之賢屏翰羸統其後爲丞
相忤韓侂胄竄死稱開封者以原籍汴京示不
忘中原之意艾軒林光朝字林閩人赴七閩必
道此意艾軒將歸閩中故留寺也風水洞寺卽

定鄉小識卷十五

毛

慈嚴寺寺以洞名標勝也今俗猶呼風水寺九
年當屬乾道癸巳乃不書紀元支幹亦制文也
解后卽邂逅古通字或釋聞爲關家也爲寧己
解爲卧俱非是此題書法秀逸而勁挺忠鯁之
氣溢於行墨

宋清熙丁酉題名 在雲泉山水洞

定 淳熙丁酉六 有五日 必 卿

右行書摩厓分五行每行八字可識數字外雖

右行書摩厓分五行每行八字可識數字外雖

隱隱有波磔痕如山字下若溪字過字上若祖
字日字下若淨字然究漫滅莫定也丁酉爲淳

熙四年

明大塊一竅四大字 在雲泉山水洞上石厓

大塊一竅 萬厯三十一年九月九日楚郢國人

湯沐書

右正書橫列洞上如題楣然名款在大字左旁

別一行湯沐安陸人進士明萬厯二十年知錢

塘縣事書法姿媚柔脆未見佳勝鐫刻亦淺陋

略曰水洞名勝游人每心醉焉而唐宋題名止

定鄉小識卷十五

天

此白太傅林處士趙清獻張天覺諸君雖嘗游
覽未留煙籓其他如魯元翰許道孚題名中間

有二月初七日字痕大小參錯重疊蓋緣前刻

漫漶而後復加刻者又洞外一厓僅存慈相江

湖以清亦及八字文義破碎俱不著錄元明以

來祇見湯令四字可慨也已

宋曾旼慈嚴院碑記

舊在慈嚴院今不存

文詳梵
刹志

明重修慈嚴寺碑 在慈嚴寺

賜進士第文林郎河南廣東二道監察御史侍經

筵講官三奉命巡按山西江西河南等處地方許

子良撰

賜進士出身中憲大夫奉敕提督學校河廣等提

刑按察司副使金學曾書

賜進士出身迪功郎行人司行人沈瑞臨篆

右碑文凡四百五十八字字徑八分首篆重修

敕賜慈嚴寺碑記九字末題萬曆八年歲次庚

辰孟夏上浣吉旦本山住持老僧雲谷房玉澄

立石二十七字又有陳美鑄三字許子良金學

曾俱錢塘人同登嘉靖戊辰進士後皆官至都

御史沈瑞臨未詳是碑向列寺中殿宇既燬仆

定鄉小識卷十五

无

臥榛莽間牧兒羸童嬉戲蹴踐文漸磨損更十

數年必為沒字碑矣文載梵剎志

宋皇祐元年朱宥等石刻 在新嶺

錢塘縣安吉口三大戶朱宥口奉引修路與了皇

祐元年六月日三大戶朱宥趙訓楊洽

右六行字徑二寸年月字徑寸餘吉下疑鄉字宥下疑等字

宋石刻 在新嶺

錢行口口修路口口方佛口口定光佛口口口口

口熙伍年

右六行字大者徑三四寸小者僅寸許以行書

即兼篆意如六朝人筆法末紀年熙上缺一字考

附金宋紀元押熙字者凡四雍熙淳熙紹熙嘉熙而

雍熙嘉熙均止四年則此刻非淳熙卽紹熙矣

顧漫漶多不可辨修或釋作條

宋定明院石刻立在新嶺

定明院修造東廊了

右正書字徑三寸兩行無年月款識當亦宋刻

新嶺爲達富陽要道前有修路諸刻疑院僧修

造東廊募有餘資於此除道故以是起義其下

必敘及修路之文特剝漫耳不然定明造廊何

定鄉小識卷十五

三

與新嶺事而大書深刻於此耶

明永壽庵重建天王殿碑記 在王安寺

碑大略言正德間殿燹於火至是復建之繇未

題大明嘉靖三十年歲在辛亥季秋中澣吉旦

立里人翁某名剝德 莫辨撰崇州張山寺晚釋真川

書僧祖道立石碑係睦州麤石字多缺損無可

玩者碑陰爲捐施人姓名永壽庵卽王安寺也

文詳梵剎志

附金刻 明慈嚴寺香凡四

明慈嚴寺銅鐘 在慈嚴寺

正統十二年歲在丁酉十月吉日置
僧眾安□□□□法輪□□吉祥如意者□寺
僧□法師□饒□□□□法髡□法昇
□□□□植□正□□□□正心
□□□□達□模□□□身□安□□□□洪四
恩

浙江紹興府山陰縣天樂鄉馨浦里麻溪村清化
山寶嚴寺前住山比丘惠幾寓金臺募緣鑄造
洪鐘一口計重一千斤恭入本寺永遠扣擊專祈
普報三有均資法□有情同緣種智吉祥如意者

定鄉小識卷十五

三

仍將功德莊嚴開山和尚純一歷代祖師洎及
前顧項本亭胡豹宣雄劉氏妙勝父宣子貴母蔣
氏妙□周伯幾伯□伯名伯清金眞□顧氏王延
壽俞仲良俞福廣福成傅氏妙□張妙喜周羃□
敬朱英石孟兆王願吳□宗施廣□□葉妙定沈
芳吳氏鄭氏高愷崔氏□□□李旭王能王氏
妙金葉順施彬□傑党氏朱氏妙金
助緣信士葉叔敬妻翁氏女妙貴男文斌文進湯
成追度故父葉大友宣□沈完二孺人信士葉敏
昌妻孫氏弟葉時敏方氏信士梅道安妻陳氏妙

員男道清男婦胡氏妙果孫梅春信官孫魯諧豫
信士姚榮信官姚淵信官潘安王喜趙名信士姚
伯璣伯澄溫福山姚氏胡普明母陳氏丁壽杜文
顯胡世昌鍾寧陳得寧

右四面正書字徑五分按欵識鐘乃越中物重
大非可肩挈何遂得至慈嚴殊莫解測豈惠璣
初本越僧後嗣法慈嚴猶蒙初號耶然慈嚴開
山爲晉齊法師與此所稱純一者殊異則固清
化山物也今以在慈嚴久錄諸

明慈嚴寺銅點 在慈嚴寺
定鄉小識卷十五

慈嚴寺住持僧宗智檀越鄭彥章大明成化二年
冬月吉日

右三行正書字徑寸

明慈嚴寺鐵磬 舊在慈嚴寺今在靈山新廟

慈嚴寺本山僧眞祥壽如云承慈嚴海潮

寂觀五寂然 寂宗 照欽 照陞

照華 普化 普鎮 普順 普詔

通聖 通曉 智才 智映 大信 信入

美賢 陳子明 趙瑞 王華子 吳道

堅 陳實性 沈文俊 果宋廿七 楊

仲庚 方武仁 本山沙彌普文立 萬曆三十

三年吉旦

右正書十六行字徑五分不知何時移入靈山

明大湖廟鐵鼎 在大湖廟

信士張棠男張盛張慨孫兆麟兆虬兆熊供立萬

大年香火祈保一境榮昌吉祥如意者明天啟丙寅

年 右正書兩行

右正書十三行字徑五分

大湖廟鐵燭臺 在大湖廟

信士張斯文弟口口母鄭氏妻口口氏媳繆氏姪口

定鄉小識卷十五

口耀光煜光口人口

右正書五行字徑五分

信士張口口口口

右正書兩行

大湖廟鐵瓶 在大湖廟

信士張口口口母口口口配口口口口口口口

口

右正書五行字徑五分

靈山鐵鼎 在靈山新廟

杭州府錢塘縣安吉鄉口口里喜捨信士口應全

□□□□祈保□□吉慶人眷平安福有所歸家
□□□□□□□□□□□□□□□□□□□□

右正書十四行字徑五分鐵燭臺及此年月漫

德大約明物也

西渡庵銅鐘 在東江渚西渡庵

定鄉小識卷十五

定鄉小識卷十五

青



西渡庵銅鐘 在東江渚西渡庵

德大約明物也

右正書十四行字徑五分鐵燭臺及此年月漫

西渡庵銅鐘 在東江渚西渡庵

德大約明物也

定鄉小識卷十六

錢塘張道少南

秦望定鄉續詠

舊里仙山割富陽而今上四號西鄉詩人須辨錢江

誤石晉當年始諱塘

定鄉吉祇定山南北二鄉梁龍德中置錢江縣乃
割富陽之安吉長壽二鄉益錢塘故至今稱四鄉
又以縣下有孝女南其欽賢調露四鄉加上字以
別之順存錄十國春秋俱云割富陽二鄉置錢
江縣但錢江即今仁和不得與富陽接界蓋割錢塘
以置錢江則錢塘地隘不割富陽益錢名否耳
又攷石晉時詔避塘高祖廟諱凡郡邑嫌名否耳
則錢塘亦曾號錢江然富陽云割富陽二鄉益錢塘
以置錢江語意方明而
梁晉異時終難強合也

定鄉小識卷十六

一

乳鳳山連腰鼓城龍山門外聽江聲眼中雉堞空烟

樹何處琳宮拜上清

錢武肅王新築羅城外起秦望山有門曰龍山
後唐同光中錢氏於秦望山建上清宮秦望山
咸淳臨安志以爲在舊治南十二里一少翟氏
湖山便覽云月輪在舊治南十二里一少翟氏
名號著稱秦望應在是間於舊志治南十二里地
正相當按此語甚鶻突六朝徐熙三世居是山
而徐村以名則山在徐村乃自秦皇駐輦而後
壁築宮名蹟標著而定址遂湮亦志乘缺略之憾
也

秦望山頭鬼夜呼吹燈魑魃覓秋夫葫蘆方藥傳三

世從此江村合姓徐

晉漢陽太守徐熙自東海卜居秦望山有異人授
以葫蘆中有扁鵲經遂世以醫名子秋夫有縛草

世從此江村合姓徐

世從此江村合姓徐

世從此江村合姓徐

世從此江村合姓徐

醫鬼事孫道度乃遷東陽徐村得名以此人鮮有知者

爭傳風澗李如雪那及蕭園桃似霞車騎滿山紅雨
裏巡春節使正看花

快雪堂集自九溪至徐村一路李花如雪嘉慶
中徐村蕭園桃花甚盛高峻處彈核種之故滿塢
花紅無隙春時游人不絕阮
文達公撫浙日嘗游觀焉

行盡唐時范浦塘浪傳樾石昉錢王忽然礮落馱馱
馬滿口徐村嶺上薑

唐崔國輔范浦詩塘連范浦橫知江塘唐時已築
非始於吳越也咸淳臨安志徐村有礮馬嶺夢
梁錄作雷嶺牛馬頭嶺蓋卽一嶺而分之者又
徐村嶺一名薑擦子嶺礮馬薑擦皆狀其峻險云

十龍斫却九龍頑江面長撐劍血殷留得一龍渡江

定鄉小識卷十六

去浮山東岸起冠山

二

徐范村岸江有九嶺名九龍頭諺云十龍九斫頭
一龍不斫頭趕到長河頭卽此蓋自九龍而上有
石龍山其支東南行爲定山定山之支爲浮山其
脈東渡蕭山至長河頭爲冠山來尙湖樵書云天
日飛舞至錢塘江有浮山在江灣面江屹立伏以
暗渡至浙東首出冠山是也魏氏錢塘縣志乃以
石龍爲十龍云山迭起迭伏如十龍盤聚而一龍
遠在長河岸時不知石龍雖可爲不斫頭之一而
以九龍混合於
此語殊不明

詞人喜說廣陵濤祠廟靈風壓浪高何事却教三窈

窈玉顏花貌坐江皋

徐范村均有三夫人廟祀宋廣陵侯陸圭女淸祐
中封三女爲顯濟通濟永濟夫人今俗額爲通天
夫人非也崇雅堂集注云侯廟自在定北排山里
以殿羅氏次浙江上之誤然兩村舍侯而祀女又

不知助何時矣
朱竹垞謁廣陵侯廟詩昔聞江
月松風客賦證錢塘是曲江不見郊關廣陵廟靈
風長拂
舊旂幢

林壑幽藏小甕天
隔凡關裏雪塵緣可知江月松風
地早被梯廳占百年

宋薛夢桂築室五雲山曰林壑
甕曰隔凡關通名曰方厓小隱梯廳夢桂字元錢思復亦築曲江
草堂
於此

簇蝶金泥布施還寺旁
駕塚泣青山誰家封號詹昌

縣片碣能留薛字斑

宋薛夢桂妻金氏葬保壽寺側
趙汝談寺記云永嘉薛君始徙籍錢塘僧以復院告屬君有悼亡之
悲乃捐錢二萬俾議興葺且以資其室人金氏冥福然力殫粟乏不績於成乃議鬻寺旁閑地君

定鄉小識卷十六

三

復高其估酬之為葬金氏之地
近時桑柳坂劇地獲古墓誌碑石村婦以之杵練及洗讀則宋詹昌縣太君吳氏墓撰文者薛昂書丹者強淵明題蓋者蔣靜也

曲江詞賦浙西傳
僅博儒官冷一瓊回首草堂歸不

得烽煙頭白老桐川

元錢惟善字思復號心白道人
至正中以省試浙地吳江之桐川明洪武初卒年已踰八十矣思復嘗為永嘉山長見楊鐵崖詩集瞿宗吉詩話云思復以賦用羅剎得名都元敬詩話則云以浙江潮賦用枚乘曲江得名因歸構曲江草堂錢蒙叟列朝詩集從之來氏樵書則是瞿說云草堂之名曲江或別有意今攷思復所賦為浙江潮其首句云惟羅剎之巨江兮實發源於太末蓋場中無已傳羅剎賦顧祿懷思復詩云賦傳羅剎盛瞿氏年雖少於錢而其伯元範與思復友言實可信若

其草堂命名乃取枚乘之說耳況思復江上山十
詠於五雲山云江三折當其前折者曲也取義更
明自都氏創為臆說後人隨聲附和殊為
耳學至田氏竟更為羅剎江賦則尤非矣

雙魚贈我五雲神野店燈紅佐酒新更約親朋作高

會范村蘿蔔大如人

明李二士人於九日登五雲山戲卜神祠問能入
城否神示以不能士人時尚早大笑不顧及下
山見溪中雙魚極肥乃脫衣網之久而後得時漸
薄暮攜入酒家烹之久之不得熟啟釜則神前雙
筊也而郭門已下鑰矣此崇禎癸未事見陸次雲
湖濡雜記及吳寶巖曠園雜志次雲又記一事
云范村有老人素誠朴遠游歸言曾見人大蘿蔔
問者笑其妄尋自附成疾其子日禱於天祈釋此
疑久之果掘得蘿蔔其大如人
昇各村中令觀之父病輒起

黃葉堆門薛縛牆題楣京兆有祠堂彈好幸子丹墀

定鄉小識卷十六

四

杖鐵骨錚錚入地香

明京尹查秉彝墓在五雲山桐樹塢范村江口有
京兆祠秉彝字性甫號覺庵以劾嚴嵩廷杖

迴雁峰前鴉亂啼四圍青嶂遠幽棲誰將詩句傳知

閣未識當年博士題

宋博士周靖扈蹕南渡卜居雲棲有詩三絕云幾
年魂遠浙城西十里荷花漾錦波踏扁兩峯三竺
路又隨青嶂入雲棲千里旌旗擁六飛投簪欲上
釣魚磯無端忽被閒雲引回雁峯前掩竹扉浴陽
名園鐘鼓沈鴉啼破幾深林何人學得香山老
十里精廬有梵音見宋人所作紫巖周氏譜明蓮
池僧掘得詩碑以旁有餘時閣宅界字疑為知閣
詩蓋不知博士與知閣當時同居雲棲也而翟晴
江陶篁村以蓮池有以意補葺語指詩為蓮池
作則皆為夢中夢也同雁峯今謫為同耀峯

莫笑山僧饒舌頻因緣夙世悟前身寃魂蠟燭庵邊

路灰販猱獠夜捉人

雲棲蓮池僧著竹窗隨筆多果報語 陸麗京冥報錄載有武林蔣仁瑞居蠟燭庵對門病中死去復蘇云為上四鄉賣石灰者捉去

草鞋跨虎五雲西禪榻惟留法喜妻不信兩家成佛

後靑鴛骨塔却雙棲

雲棲蓮池師行兩草鞋尚存寺中 師出家後其妻湯夫人亦為尼名殊錦今亦塔雲棲塢中 杭州仙佛夫婦成道者丁野鶴與王守素蓮池與錦尼師也

江面峇嶼 閱武樓

高宗翠輦此巡游戈船隊隊魚龍舞不數錢王水戰

秋

定鄉小識卷十六

五

乾隆四十九年

高宗南幸 御校水軍於范村 閱武樓 定山有吳越水戰將臺或云南宋所築 錢思復江上山十詠所云浙江 耀武者也 崇雅堂集以為在徐 范村正與今 閱武樓地暗合

雲泉南路綠翹翹桐塢橫山玉版饒更羨范家籬笋

好月沈偷過小溪橋

宋時雲泉山出笋曰南路笋今已少矣惟橫山產為最佳 梁范伯珪家有涉溝盜其笋者伯珪為橋以度之 盜大慚一鄉無復草竊 伯珪范村人 六朝時范村為諸范族居如平如叔孫如述曾如伯珪皆產於此今范村已無范族而其名不改 明人以其地為雲棲所從入易為范村殊謬

范村西去水淙淙帆影吟邊暮入窗投老歸耕漁浦

好草堂支枕聽秋江

乾隆間金觀察繪由築江聲草堂於范村西厲樊
榭有題草堂圖詩云江聲主人江上住范村西去
緣江路草堂仿佛木香村竹嶼依稀鐵爐步
江聲自塞北歸題其詩曰漁浦歸耕集

南屏菴祭酌秋風歲遣祠官掌滌宮雪窖龍鬣何限

恨年年望帝血啼紅

牛坊嶺為南宋望祭滌牲之所夢梁錄云有滌
宮在六和塔之南卽此今俗易名為留芳繆甚

少師荒塚翠微灣侯母周郎共一山漫把桃源換南

蕩朱橋港口認螺鬟

南蕩山今無知者實卽橫山口東抵牛坊嶺西傍
轉塘一路也咸淳臨安志所載定鄉置里如定南
安吉長壽皆錯雜不相聯屬惟定北一鄉以次非
序自徐村而排山而牛坊而南蕩次牛坊下
正近朱橋春渚紀聞述東坡奏開石門河明云由
南蕩朱橋港也宋少師元絳及周邦彥周邠墓

定鄉小識卷十六

六

俱在南蕩山侯臨亦葬母於此見東坡開河狀李
氏西湖志不知南蕩所在以元氏世墓在馱嶺
修絳墓附焉非是
馱嶺嶺俗呼桃源嶺

柴擔歸來月滿門樵翁尙住貴人村橋邊不見朱宣

慰誰買春醪醉老溫

元朱清官宣慰賤時以樵自給朱橋其擔柴路也
僧溫日觀嗜酒善畫葡萄一日乘醉爲朱宣慰
畫說題云昔有朱買臣今有朱宣慰兩箇擔柴夫
並爲金紫貴朱大喜曰我果然曾賣蘆柴和尙知
我遂厚酬之
日觀名子溫

寺尋寶相但煙坡西傍溪橋問葉婆惆悵象峯禪磬

杳茗花埋沒古彌陀

寶相院晉天福九年吳越王建廢址在葉婆橋東
與烏維嶺近土人猶呼其地爲寶相基象山古

有彌陀寺宋乾德五年吳越王建大中祥符中
改額法性今廢為茶園時掘得柱礎瓦爐等物
一粟妖星照賊刀山中呵殿柘黃袍竹梢月黑腥風
過血舞人腸十丈高

明季山寇柴日乾葉婆橋人少有勇力嘗曉起負薪草露方盛有線衣女子前行步甚疾而履不沾
經柴怪之要問所往女子言某氏新上梁時日觸
犯耳某氏柴之舅家也因止日汝衣線素不祥乞
無往女子不可柴終阻不令行久之女線子曰少微
星解圍余去矣忽不見柴賣柴訖往賀適日者至
柴怒詰曰舅氏勤苦一世幸講此居君卜日特不
吉何也日者曰是日曾觸天喪星幸少微沮制無
害柴以與女子語合遂自負崇禎末中原鼎沸柴
乃為盜結寨橫山中出入警蹕精袍鑿輅儀如王
者有袁某家巨萬柴索餉不應掠之去抽腸死其
法先椽伏於地縛囚其上一人挽竹使俯繫囚髮
腹腸盡出血漉漉垂地矣其慘酷如此袁為余鄰

其事
信也

定鄉小識卷十六

七

數里松門傍澗秋遶峯煙翠一笻收雲開半露杉皮
瓦樹杪亭亭冠佛樓

柏子庵在柏子尖塢中高踞半峯四山互翠幽深
峭清絕非塵境徑自毛竹庵緣溪而入老松夾道
古磴漸高仰視危亭畫檻岩巖雲
表頗似黃鶴山樵秋山蕭寺圖也

湖山講學布衣尊一瓣心香拜墓門不與東南競旗
鼓滿懷風月欲忘言

應潛齋先生搗謙墓在橫山潛齋抱節講學康
熙中三徵不起時海內大儒如李二曲傅青主黃
梁洲各樹一幟而先生敦行
實踐闡然不華品尤醇粹云

翠脫冠巾雙髻鬢煙嵐新沐對禪關支笻倘聽光明

梵悔認南朝鳳味山

鳳皇山有雙峯如髻故一名了頭山錢思復定山十諫所云鳳皇雙髻也山下為光明寺思復有同陳君瑞游鳳皇山光明寺詩李氏西湖志於宋大內之鳳皇山創立雙髻峯而引思復鳳皇雙髻詩於下翟氏湖山便覽亦於大內鳳皇山誤列光明寺而引思復光明寺詩於下且為之辨不知錢詩明云左瞻劍戟龍門並上脫冠巾鳳髻雙不可強移也

不須多事怨江湖雙鳳青青入畫圖記取風流成二

老山人應屬老僧無

錢思復題雙鳳山居圖詩雙鳳山人茅作屋五雲開史繡為衣寫將瀟灑滄洲趣留待風流二老歸歲月無情遺墨在江湖多事鳳心違寒藤古木西江道惟有當年白雁飛雙鳳即鳳皇山二老用杜詩疑山人即指光明寺中老僧也翟氏亦於大內鳳皇山列雙鳳山居引思復詩非是

定鄉小識卷十六

八

古翠摩天千丈厓猿攀九曲嶺雲埋游筇膽落龍潭

險放腳何人試笋鞋

龍門山有千丈厓亦名千丈岩又有九曲嶺極險峻須攀藤而行西去為白龍潭亦曰老龍潭錢思復所云能興雲雨者也潭深不可測江元祚游記云及瞰龍潭伏地猶懼倩人曳足乃得縱觀

石關拔地控蠻王廢殿龍門賸夕陽花近妝臺紅不

斷風流齊豔鮑三娘

龍門山有蠻王殿遺址蠻王不知何時人曾據山中石關見江元祚游老龍潭記鮑三娘梳妝臺亦在龍門山

煙裏鐘聲落寺樓龍門曉雨萬山秋老僧糞火煨黃

獨日暮詩成跨白牛

悟空寺在龍門山亦曰龍門寺明石雨禪師卓錫於此師有石雨詩集吳江顧茂倫選刻之集中撰黃獨及騎牛歌最佳錢思復有龍門曉雨詩

焦山絕頂縛茅庵松葉香吹蓋飯籃風雪滿山無覓

處白頭騎虎化瞿曇

焦山境高峻諸山無出其上者素多虎人跡罕至嘉慶中有老僧年九十餘結庵頂上日下山負籃募蓋飯喃喃念佛不輟有虎臥庵外候老僧歸以為常一日大風雪老僧騎虎而去不知所終

浴硯溪邊隱士家詩寮畫舫看晴霞白頭兵起青山

火殘卻春風一塢花

明江邦玉元祚於六松林畔築橫山草堂有蓄翠泉漱雪橋鹿藩屬岫門竹浪居空蘊庵香夢窩挂展窠雲髻軒巢松閣雲肆悠然見南山軒泚筆壘浴硯溪藏山舫霞外亭卻月廊花源雲構醉山樓

定鄉小識卷十六

九

留屨閣借隱室諸勝草堂在錢村妙靜寺東明季燬於兵火吳梅村送胡彥遠南歸序云武林有橫山江氏兄弟隱於橫山者二十年天下言隱居善避兵者無如橫山已而武林亂橫山先受兵明季浙中義兵以烈皇大故以白布抹額山寇效之名白頭兵

瀑布聲轟亂午雞一鞭梭翠竹橋西茅亭樹隙安雲

碓山女簪花坐對溪

魏氏錢塘志黃梅山溪水環集多植竹里人取竹為紙白龍山下多水碓李日華橫山草堂記云有時葛然震地則山民治楮之碓江邦玉居橫山時有鹽曰梭翠

少宰當年香火龕山僧檀帽禮和南桑籃曉入龍池

寺箔掩山門學養蠶

鷓鴣嶺下崇覺報親院宋大觀三年少宰劉正夫請為功德院龍池寺在社井塢中後唐清泰

定鄉續詠自序

壬子暮春負瓢青麓借榻丹房語燕睇人巢鶯趁客
旅情非惡遊興不孤而乃虛館天涼疏窗雨積煙裏
樓臺之影湖邊笠屐之圖但許埋頭未須浪迹幾緣
春事替花片以擔愁卻憶故山翻竹枝而覺譜於是
偶然拈句寫出田園聊與遣懷編成風土弄水嘲山
之味燈紅酒綠之宵亦復擁鼻孤吟掀眉狂喜蓋僕
也系本樵孫居鄰漁弟略諳鄙事頗拾遺聞傳耆舊
夫襄陽記歲時於荆楚將以補水經闕糾地史疏收
拾眼光爬羅掌故晨書暝寫粗有叢編俗糾塵驅未

定鄉小識卷十六

續詠

一

遑脫稿遊跡久浪野趣難忘乃倦念乎昔賢曾暢抒
其妙句曲江老人之作感興風流書農學士之章寄
懷天末敢爲貂續自寫蟬吟鄉畫四區體裁百衲嗟
乎山川一粟僻地理來人物千秋大江淘盡遙遙今
古莽莽風塵阿灰髮恨夫雨簾老鐵恣狂於湖笛舊
感雲赴閒愁日生操土風則權唱山歌選遺韻亦悞
儂阿子非關學步大可解嘲吟邊籠畫堞春煙歸去
話松棚夜月山殘水賸尺幅都收牛券魚經遊囊整
富便可漫歌酒市賺渠兩頰之紅料誰鬪畫旗亭唱
看雙鬢之綠五月朔日錢塘張道識於吳山紫霞閣

錢塘定鄉以定山名有定南定北安吉長壽
四鄉據治上游故亦名上四鄉出會城南門
自六和塔起界富陽而止東望蕭山北拊餘
杭面江負山咸隸是鄉昔者定山浮山蠹時
江心濤瀾抨激往往覆舟是以北依羣山岸
江置驛長官過客軒車孔路題名紀遊輝映
山谷元明以降定浮之麓積淤成田久乃益
廣坦坦平野羅剝失險東坡斥鹵桑田之詩
若爲兆焉於是行李往來便安舟楫山驛阻
幽涉跡者寡曩之名勝堙鬱而已鄉之人愿

定鄉小識卷十六跋

一

樸力農旣鮮文雅從無著錄惟道光間仁和
書農胡先生有定鄉雜詠之作先君子少
長是鄉以蒐葺爲己任旣廣爲續詠百絕句
以補胡氏之缺因稽訪故籍博諮鄉老口耳
所窮繼以登涉久乃纂爲定鄉小識一書析
門者八曰山水曰古蹟曰梵刹曰隄約曰耆
舊曰藝文曰石墨曰田里而祠宇古窆埒焉
書成爲城中仁和黃丈取去將以付梓而庚
申二月城陷書沒賊中旬日賊退檢歸僅存
山水古蹟隄約石墨四種葉背血殷濡縷也

辛酉賊再至大縣於鄉盡室出走不肖挾
先君子撰述諸稿自隨壬戌秋先君子棄
養蕭山寓次於是不肖孤露奔走於明越之
間卒乃依湘鄉蔣公戎幕囊負先集出入險
難瀕失復得遺佚什五可爲深痛是四種者
亦倖而存也自甲子賊平將二十稔不肖困
禮部試有年負米四方以養慈母先集在楹
無力問世去冬自鄂歸里丁君竹舟松生舅
弟方有杭郡叢書之刻來索是書竊思書闕
過半往欲補綴一二以竟先人之志以備故

定鄉小識卷十六跋

一一

鄉之籍而嬰亂以後文獻彫喪不肖夤陋又
瘁飢驅網羅無暇謹承先君子手稿之舊
以副丁君之意日記曰畧各標篇目明非完
書其續詠百絕句尙存卅四首並乞丁君埒
刻於後亦從其類也嗟夫佳山勝水前賢遊
覽文字之所在與夫沿革興廢之跡何地無
之矧曰治之尤古如吾錢塘者而定鄉去城
市遠名備足跡不至傳述遂罕幸而先君
子搜揚而蒼萃之庶稍稍著矣而兵火之厄
書不克完又遲之久而四種之存僅乃行世

然則地之顯晦亦猶夫人固有數者存邪丁
君舅弟彌汲汲於鄉里掌故者讀是書當益
慨然耳若夫遺書獲傳不肖子孫且世世感
之又不得獨爲定鄉幸也刻既成不肖方從李
尚書於合州謹述是書存佚之由寄告丁君
俾著於卷尾焉光緒壬午夏月不肖預謹跋

定鄉小識卷十六跋

三

紫陽庵集

光緒壬午付梓

紫陽庵集



錢塘山水甲天下而居閬闔之中得巖壑之趣者厥
惟吳山由吳山東南行爲瑞石山其地蹊徑幽奧林
木森秀左江右湖烟水一碧天然名勝爲羣山冠兵
燹後屋宇盡圯荆棘滿前余嘗躋登其巔訪野鶴之
仙蹤問紫陽之遺址不可復得矣及攷天一閣書目
有瑞石山志一卷聚樂堂藝文志有紫陽庵志一卷
范栖雲紫陽庵集二卷趙氏族譜攷有趙允中瑞石
山志一卷皆明人書也今俱不傳至


國朝凌太史紹中有紫陽道院志莫柳泉先生栻有
瑞石山志并不知其卷數存佚用是慨然久之自慚
紫陽庵集序

一

弁陋未及精研掌故而名流之碑碣騷客之詠題洵
有不容冥沒者使徵文考獻後起者不任其責難免
山靈笑拙矣竊念紫陽以丁仙閣擅名重陽以青衣
泉擅名泉亭又明人丁啟東所翺流風餘韻輝映名
山非與吾家有夙緣乎第重陽庵集久已傳世書爲
明道士梅古春所輯吳志上先生允嘉輯武林耆舊
集據此入選丁龍泓老人以隸書題其眉蓋書雖蕪
雜而事關掌故宜爲兩先生推重如此余不揣樛昧
輯成紫陽庵集二卷以配之管窺蠡測不無掛漏或
後之人求凌莫兩志不可得亦有如志上龍泓其人

者此書將與梅集並傳已

光緒三年歲次丁丑五月二十六日錢塘丁午自序



紫陽庵集序

二

光緒三年歲次丁丑五月二十六日錢塘丁午自序
昔其書與梅集並傳已

紫陽庵集

錢塘丁午輯

重泐紫陽道院記

瑞石山紫陽道院者元延祐初道士徐大師修鍊之處也大師有道行一日夢紫陽張平叔授以真訣遂大感悟因號其居曰紫陽其後杭人丁野鶴繼修其業居茲山二十年道成而委蛻遺骨尚存山之陽有石洞深邃莫測列仙之堂玉虛之樓元武之殿皆極壯偉自野鶴化去未及百年而昔之殿臺樓館鞠爲茂草過者傷嗟錢塘固多佳勝而紫陽尤爲偉觀前

紫陽庵集

一

臨大江後枕重湖山多奇石松柏杉楮之木皆駢生石上又以元名公薩天錫之詩趙孟頫之書而益重凡杭之人士與四方賓客遊觀者不知紫陽必以爲歉然荒圯不治蓋有待也正統甲子秋副都紀張公守常命高弟子范君應虛來主是山屬以興復之事應虛者勗望江玉虛二樓作丁仙亭塑聖像繪湧壁葺迎真洞頗復其舊景泰紀元夏余與監察御史南海黃公英潮陽林公廷譽登山賦詩周覽四際應虛請曰將重泐玉虛正殿殿成子幸爲記之余笑而答曰姑成之余記無難者越明年殿成應虛來告曰記

不可無也吁何其成之之易耶以紫陽奇偉卓絕之
觀甲子東南兼有江山之勝而昔之至人高士保真
鍊氣于其閒重以名公卿之題咏流傳于世地以人
而益勝豈不信哉應虛內明而外昏蓋老氏之徒學
紫陽之道攻苦食淡素爲人所嚮慕乃能修舉廢墜
於烟莽瓦礫之墟則亦豈非賢哉是役也淮陽畢文
德新塗周庸典助其費宜牽連得書後之繼應虛來
者尙嗣而葺之庶幾其勿壞繫之銘曰吳山之陽瑞
石峯仙人來往乎其中重湖後環瀛海東洞府宜與
天門通紫陽棲真別有宮誰其尸之野鶴翁一旦羽

紫陽庵集

二

化丹爐空石壇空鎖雙青松剝極而復歸神功有一
道士頑如童聿來起廢鳩羣功文梁藻井塗青紅搏
桑朝嗽射蒼龍觚稜金崔光瓏瓏坎坎擊鼓撞巨鐘
上帝臨汝正爾容爐薰朝夕祝九重物不疵癘年穀
豐紫芝瑤草吹香風有石如玉加磨礱篆刻文字垂
無窮大明景泰二年歲次辛未冬十二月甲申杭州
府仁和縣教諭臨川聶大年撰并書

重修紫陽道院碑記

錢塘釋道之區數百而道居釋之二三梵宇廣而恆
新道宮寡而弗及者亦必有其說也蓋釋之徒能以

輪迴禍福惑其眾而道家惟以清淨無爲自守非遭有力之好尙與修真慕道之歸心不能自爲之力其勢使之然也錢塘山水之秀吳山爲第一紫陽又據吳山最勝之地靈異之氣盤礴鬱積四時之景不同然各極其趣昔人相傳嘗有徐大師丁野鶴前後修鍊於此得道化去而紫陽之名益大彰聞於是元學士承旨趙文敏公題其扁曰紫陽道院一時名公鉅卿若黃潛卿張光弼陳剛中薩天錫倪元鎮諸君子咸有題咏冠蓋縉紳之士登吳山者不之紫陽不足以愜遊觀之樂山陽畢公文德好善樂施仗義君子

紫陽庵集

三

也一旦登覽之際見殿宇之弗崇神像之漫漶不足以稱神之所棲而起人之瞻仰也乃揮橐金四百餘星鳩工集材拓而新之建正殿三間高廣宏遠若干餘尺經始于景泰辛未春落成於癸酉冬復範銅爲元帝眞像奉安殿中俾羽士范應虛世奉之惟謹文德之子玉字舜修嗜古文好禮賢下士登名進士奉使浙東觀紫陽偉觀仰尊翁之茂績來請余文勒石以昭不朽余與舜修有斯文之雅不辭而爲之言曰夫神仙道家之說肇自李伯陽關尹喜後世遂有列仙傳記具載飛昇不死之說歷唐及宋其說益盛而

熾仙宮道院布滿通都大邑而鐘磬之聲相聞於四境矣開元祥符間上之人以爲神仙可力致乃瓊其館而瑤其臺金碧焜耀可侔王者之居至以宰執領宮觀使主之名極重矣迄于今皆然也雖然使學道之士清心寡欲屏絕世故遊心高明保合太和不遺老氏道德之言克振宗風亦足爲方外有道之士矣應虛于吾言亦可無愧而畢公父子拳拳用心之篤皆可嘉也於是乎書天順二年歲次戊寅春三月中浣朝請大夫贊治少尹南京國子祭酒前史官四明陳敬宗撰

紫陽庵集

四

史方伯重修紫陽庵記

武林諸山脉自天目龍飛鳳舞挾江湖海之巨麗而盡於吳山吳山之最勝者曰瑞石山志稱其秀石玲瓏岩竇窳寒泉滴瀝漚爲澄泓清幽徹骨空翠撲肌蓋實錄也而紫陽庵者又擅瑞石之勝宋嘉定間邑人胡傑居此始建集慶堂元至元間羽士徐洞陽庵之改今名其徒丁野鶴者弃俗棲眞屏居于此將化之日召其妻王守素入山付偈云懶散六十三妙用無人識順逆兩俱忘虛空鎮長寂遂抱膝逝端坐如生漆蛻尙在野鶴所證蓋得北眞之道者而紫陽

則張平叔別號又南真也南真修形神俱妙之術北
真兼契虛無其歸雖同入處稍別豈有師南而徒北
耶然不可考矣庵久廢正統甲子羽士范致虛重興
之作玉虛望江二樓聶大年爲之記然庵據直指臺
之上招呼可及以故頗禁登陟游人鮮少香火寥寂
自正統迄今凡百五十年又不知幾經興廢矣今左
伯溧陽史公遊其地而樂之曰美哉斯境蓋仙真之
所宅靈淑之所會而頽圯若此令崇奉靡託瞻憇無
所其何以助登高之傑思豁望遠之冲眸此地主事
也乃議新之庵東故有會真堂平屋三楹因而樓之

紫陽庵集

五

側樓四楹輔之殿倚山山故有蓬萊閣三楹其址僅
存因而亭之金碧輝映旦暮改觀山若闢而壯泉若
濬而澄左右江湖若滌而寬數百里山川遠近獻狀
于咫尺之下若廓而新是役也經始于萬厯月日落
成于萬厯月日工費凡若干而屬秀水馮夢禎記之
公名繼宸字應之與予俱丁丑進士改庶吉士

紫陽道院碑銘

錢塘吳地也吳中山水之勝莫過于錢唐其爲錢唐
之冠者紫陽耳聶公大年嘗記其事惜未勒石以垂
不朽夫自琳宮一新之後迄今幾三十載而羽士范

君應虛者修煉彌篤不倦于勤復甃石爲階易登登之路而成坦道其門人章君本全願君本玉馮君道宏猶以山門未備不能聳四方之瞻仰又得海鹽張公昇以助其費是二人者可謂克成厥終矣然厥終旣成使非范君應虛因葉公芳爲倡於前張公昇等樂施於後則碑以豎亭以構昔之所爲者特成一時之終耳焉能成萬世之終哉嗚呼大年之文非范君不能顯范君之志非諸公不能成若諸公者真可謂義士也已詎可泯其名耶用識於後復繫之以銘曰紫陽之山維石鑿鑿絕妙之詞星斗落落眷茲形勝允邁於先厥亭告成億萬斯年成化二十二年歲次乙巳重九日徵仕郎真定府晉州判官事海鹽張彝記

紫陽庵碑記

浙爲東南大都會其形勝祖于新安三天子都之山率宗于天目龍飛鳳舞崒嶒至錢塘表裏江湖渤海湧門戶在在皆麗景也而行省爲最環省中括攬奪目精彩何限而吳山爲最山之巒岫嶠疊玲瓏卓絕繞以竹木雲烟牽應接不暇而紫陽庵爲最是庵也背兌面震據吳山之坤位三茅觀之艮方稱小蓬萊

臨安志朱在太廟後爲禁山紫陽真人張平叔嘗著
金丹四百字悟真篇者元開山鍊師徐宏道號洞陽
結庵于翠微久之感真人授道因以紫陽名其庵後
有丁翁野鶴坐茅二十年蛻化顯白鶴之異而山靈
益著遊者自四眼井西上始入門卽見瑞石山題額
再上磴數十步見兩磅石峻嶒骨立左崖有鐫字紫
陽洞天胡公纘宗筆第一山米南宮筆高阜有採芝
巖下有地丈餘土肥可蒔黃精諸藥名栽藥圃巖上
有滌凡池客可濯纓盤紆巖磴閒又入一門居楔高
揭紫陽道院四大字學士趙孟頫筆舊傳神骨飄然

紫陽庵集

七

若仙人駕鶴過瀛洲今摹帖存其名居楔右自下而
上一垣障之內有嶠嶼有洞亭蘇東坡賞牡丹有詩
題碑石塌而傳余嘗寓目今皆屬編氓業再躡磴數
十餘級青松繞道仰眎虎石對蹲如檻曩有兩古松
夾之因名松關關以下昔名尋真路謂與塵鬪漸遠
也關右一木干雲霄繁陰蔽日者成道樹也丁翁室
人王守素入山修道插小株根祝曰我成功汝成林
後三十年果成仙云其遺骨云瘞于洞陽庵前石罅
中關右有石叢起夷曠數十笏可踟躕名補衣石卽
守素修道處關之上孫司禮新建靈官亭其南有翠

峯透露似太湖石名青芙蓉石有紅白相嵌名紫瑪瑙其北歸雲洞在焉洞一名石屋至元閒置小亭洞口憇游人盛夏無暑氣從亭左折東行有橐駝峯巒峯爭巧復右折而西陟複崗寬平如砥卽紫陽庵地庵廢景泰辛未朊元天殿玉虛宮範銅像師相今漫漶史左伯應之復葺飛棟重椽丹青稱是爲此山之冠殿左有紫陽亭塑張真人南向下坡有秀石堂堂上有會真樓列羣仙名號向如亭又左爲望江樓東向宏治閒名雲霞海曙樓樓下爲遠覽堂吳越江山海門皆在眺中殿右巨石競崕爲鰲峯峯前三巖突

紫陽庵集

八

立名三台石石左舊有紫竹林林下有天籟谷峯北有翡翠巖亦名翡翠峯南有飛來石古名無根石內可容十餘人石下名龍窟頂有竅可窺天石左廉針擁脅倒插名垂雲峯此處周迴裕衍幽邃駢奇各曲身蜿蜒而入元進士薩天錫賦鰲峯詩聲響琳琅鉅公相繼和韻者甚眾具紫陽集中南上爲丁仙亭北向與紫陽亭對中有龕奉野鶴遺蛻髹飾之如生亭後爲坐忘巖卽丁仙鋪草坐煉所亭東南一巖如斧劈裂中有千歲藤號隱仙巖東望海門江山如畫卽東山也山腰石竅雲氣出如絲名白雲岫從鰲峯石

隙閒繞殿後南望則有翠壁近東有丹崖北望則有石竇如鼎旁可納薪名丹葯竈穿洞牖北行見蹲獅石身伏而首昂形酷似腹下可通人往來再北有蟾蜍石月波池以近池之石有紋如波故堯爲半月形注水養蟾涵月影可玩池畔昔有軒趙學士書鳴琴室三字循石徑西上轉而南石皆陡峭如岸中絕有空陁二丈餘先時聖樓塞其中梯而上後隕正統時砌石爲橋名迎真橋其下可行可坐無水橋西有迎真洞三伏堪邀客爲河朔飲橋南卽紫陽臺高擬城闌徐洞陽修道于此亦成真人故名臺頂有穴鍊師

紫陽庵集

九

曾于中秋夜見穴中白氣起伏地視之有兩金星在深底曰蟾蜍眼也遂名玉蟾穴永樂閒重修列仙堂于臺上中設老君旁列十子左右環坐南宗北派師真聖像匾書太清仙境又書蓬萊閣堂前爲閣經閣洞陽讀黃庭經處故名皆久廢今左伯于殿左建會真樓存列仙舊跡而新構空翠亭于太清故址亭成環山勝景舉目無遺矣又志載此上有雪風洞今鑿失亭南側路上碕石森鬱對峙如天門名朝元路可入三茅觀路右雨巘高峭中如繩懸可通一人行直上三十餘步有天窗石橫亘其上名透天關而禮

斗壇超然館諸勝亦在南山眾石巖不知所向此皆紫陽庵聯屬之景也獨洞陽鍊師闕祠人亦不知其爲開山祖今剏一亭于高麓在迎真洞之巔俯殿面江與空翠亭相輝映殆山靈所歆乎大都地以人靈人以地傑三才之理相符鍾其偏尙可超世矧鍾其全兼動靜樂壽而一之于山水益有光矣都人士行有當之者其繕廢相循元以前不可考後雖重葺于景泰辛未天順戊寅宏治戊申嘉靖丁未而鳩工合作亭閣鱗聳以復行省之麗景者則自萬厯癸卯仲夏始先後留題倡和雖滿青竹而冠蓋落成浮白賡

紫陽庵集

十

歌引商刻羽並出一時彰同志同事之雅者則自癸卯孟冬始各志集雖有詩文無圖畫而參攷方隅搜抉遐古纖悉繪其名勝以洩元祕者則自甲辰初秋始休寧范涑晞陽甫記

書范原易記紫陽庵碑後益齊洪矣諸人士

紫陽庵玉虛道院創于明景泰辛未至萬厯癸卯重葺之新安范氏原易爲文記其勝具令善繪者作圖以鑄諸石圖僅尺幅耳而纖悉勿遺曠然具千里之勢真盛事哉甲子歲予從柱下謫居于此衙齋寂寂嘗披圖縱觀以當臥遊私幸仙山福地紅泉紫嶠差

足慰孤居寥閔之況暨登陟而頓然改觀計萬厯迄
今未滿百年而丹楹畫桷半棲蔓草卽巖洞窅冥亦
爲風雨所剝蝕此雍門相對所爲撫疇昔而泫然思
也夫盛衰興廢古所時有第以前人之苦心經營結
搆而一旦歸諸烏有則覩茲遺跡未免憮然因捐資
庀工將殿宇之頽壞者葺之泉石之殘闕者補之圖
繪之漫滅者修之又于山之左右續布瑞石池軒轅
鏡白蓮池碧雲天諸景凡四十餘所由圖搜境卽境
證圖逐一丕新不遺餘力今而後庶幾其可久乎然
不敢必也所願居是觀者念作者之勞與述者之勿

紫陽庵集

敢怠時加整飭使靈跡垂久古碣不滅庶幾後之登
斯山者以爲龍飛鳳舞左江右湖猶有洞天福地如
是觀也此則范氏之幸也夫抑亦予之幸也夫營州
魯公張士偉記

瑞石山紫陽道院勝跡記

夫太虛之閒不能無氣氣之所聚而不能不爲萬物
大則天地山川細則昆蟲草木無一物不得其所者
皆有至理之所存元氣之所會也其閒獨得夫陰陽
五行氣之秀而能靈於萬物者人也若夫達生死之
變得造化之原無聲利之勞全性命之德惟希于上

仙者得之昔人有云山不在高有仙則名水不在深
有龍則靈余于武林瑞石山見之矣此山晉唐以來
未詳其事按宋咸清臨安志昔在太廟後爲禁山至
元延祐初有洞陽徐大師於此結茅修鍊一日感紫
陽真人授道因名其庵曰紫陽後有丁野鶴繼修其
道蛻骨于此元進士薩天錫愛其景而留題趙學士
子昂慕其道而書額想彼之時跡雖隱而名益彰來
遊來賞者歲無虛日正統戊辰春三月余自九鎖山
來過三茅寧壽觀適道契棲雲范公止宿于瑞石山
房入其境則見其林巒鬱秀泉石清幽芝草琅玕光

紫陽庵集

七

華濕潤似有玉蘊山輝之意夾道有石勢蹲獅據虎
舞鳳蟠龍錯落瑰奇玲瓏屹立大者小者堆青疊翠
低者昂者獻巧呈奇修篁動而清風生靈籟響則蒼
雪墜飛烟吐霧巢鶴潛龍則有蓬壺閬苑之景儼然
躡雲梯而上石壇則見其江山遠近樓閣參差羽童
採藥而還佳士抱琴而至焚香淪茗晏坐談元則有
神仙家風味在焉坐閒忽有二三子羽衣翩翩乘風
而至相與登紫陽之臺覽仙亭之景有客舉天錫詩
云天風吹我登鰲峯大山小山石玲瓏赤霞日射紫
瑪瑙白露夜滴青芙蓉此時聞其詩而覽其景則其

景倍勝矣望其青碧紫翠紅白相間之處一似張綺
羅于瓊館鋪錦繡于琪林使人飄飄然便欲有凌雲
跨鶴之志若不知有夫人閒世者耶吁求吳山勝絕
之地舍此而之他莫能得也察夫此山氣象自開闢
以來二氣推盪鎔結至此藏風積魄秀聚其中大匠
劉削不能施其工丹青模寫莫能狀其妙自非天造
地設有何人力所至也若曰紫陽之瑞卽仙家之瑞
也仙家之瑞卽國家之瑞今聖天子以乾坤符德日
月聯輝四海同仁恩霑草木萬物如在春風和氣之
中其樂雍熙之治何其幸歟自時厥後居此山者當

紫陽庵集

三

以晨香夕燈祝延聖壽清心寡欲祈福生民尙宜恪
守祖風精修至道則上不負君親之大恩下不忝山
林之秀氣則向之山不在高有仙則名不在彼而在
此矣棲雲曰嘗聞無名是天地之始有名爲萬物之
母天地雖大而不能自稱必待人而稱之庶物雖眾
亦不能自名必待人而名之顧吾山中景物不爲不
秀但未獲今之名公賢士性耽吟咏則不過瑰然一
邱一壑而願吾師不以陟降爲勞凡木石秀結之處
堪爲詩題畫法者度其形勢取其一二以爲詩題倘
或才能之士繼薩天錫之高風續文敏公之遺墨則

此山草木得以重輝煙霞爲之改色豈不美哉余應
之曰大巧若拙大辯若訥吾祖之深幾也人之一心
尙不能自理何暇木石之爲然此耽于烟霞之癖者
見其清絕不能不感發其幽情因時稽考本山舊跡
凡人物樓臺山林泉石有故事者編釋爲題裝潢成
冊意甚不工以俟能言之士有所取擇然雖無補于
教亦可以助仙山什百之一二者歟是爲之記正統
十三年歲在戊辰秋七月中元日元門後學張復陽
識

遊紫陽洞記

紫陽庵集

古

予過錢塘必登吳山嘗一涉紫陽洞洞之勝未悉也
歲乙卯冬至錢塘時積雪盈旬予沿四忠節祠西上
穿小幽逕轉北林行雪中抵其麓坐石圻紫陽洞天
上旁睨有小石堵門予排石入之則見林竹嘈呀中
有石池泓然樵者曰此野鶴仙鍊丹處也池水清寒
中有菖蒲池後有采芝園以雪弗果往遙睇閒忽石
礎突出有一石類林鹿蹲其閒余急往趨之雪淩淩
落余乃復循石堵出憇歸雲巖見飛靄流氛從巖洞
中出沿側石蹻徑東山欲訪野鶴仙祠乃呼道者新
澄偕往披松磴循巖雪遡古瑞石洞未至洞少許則

見傍嵐岫巉巖石乳垂下奇甚洞深窈紆遂予仰睇
巖竅上微劃刻有光古壁苔刻模糊遊玩久之出又
沿石梯前始至祠拜野鶴遺蛻瞻其像清臞而飛逸
眞若羽衣自海上西來顧道澄曰此鶴何年復至乎
乃循庵側復穿洞旁折出行不數十步許則又見亂
石層崖自草樹雪中騰蹕出羣走四逸不可以億計
若方平擁羣羊東下余驚異行且顧方追從之忽又
至一山巒洞口傍大鑄曰朝元路乃捫蘿徑至其側
見兩崖峭削壁起中微一線露天光隱隱頂忽一橫
木跨其上狀若石梁然余欲梯之足叢雪中數尺許

紫陽庵集

五

不能進返至小蓬萊衣履交濕矣道澄延余至列仙
堂已謁老君遺像出余擁石欄伫覲欄側有古大樹
數十株並余立時林外雪紛篁竹灑灑然有聲猿狖
跳且呼俄又若笙竽交奏天花亂落渺不知此身由
崑闔元壺蹕而東也俯視錢塘一抹萬家玉宇玲瓏
舉首羣仙在空中招之不下余心益奇甚復自迎眞
橋東去不數步稍下見石扇中開余轉而出兩巖戶
絕頰傍有大獅石蹲據不暇顧亟往迎眞島訪弔徐
洞陽遺跡見洞門粼粼雪已闕而封矣不得已過月
波池謁紫陽至望江閣徙倚忽天風蓬蓬與江聲從

余肘背後東來歛吸風日不可辨余亟命道澄啟玉
虛樓趙孟頫聶大年等諸碑誌讀之稍久之見巖
雪稍已開霽乃披青芙蓉展憩左右盼而懸石露奇
紆怪鸞驂鳳翥補衣石則又獻萼于前與歸雲角峙
景益清神益逸真若入水幄中覺寒益甚徐起躡石
屹屹危且墜羣遊者咸在下駭走咥余曰天遊子可
謂判命釣奇者矣余自補衣頂望笑曰余方欲摩龍
鱗編虎鬚以補袞非判命能耶時天已暮又與古瑞
石飛來石接余興益據復欲取道躋之不果乃據青
芙蓉頂徬徨四矚道澄亦余從吮遙江掬重湖晞三

紫陽庵集

天

吳之全壤暗故宋之遺宮悽然如狂如愬不已道澄
曰子何感慨如是余笑顧道澄歎曰嗟乎子知此石
撐揭乾坤幾何年于此而其闕世者不多耶方錢武
肅擁兵下吳越據此宋高宗南渡國江南一時山川
文物何如無論錢封宋社乃張紫陽平叔徐大師丁
野鶴之仙跡亦久陳莫可詰矣而少保肅愍褚伍諸
公礫礫何往眼中所睹中惟野馬四時寒暑之運孰
隆施是而其伏也無窮其賞也無盡其精靈與余俱
亭列于前者不可磨滅迄今煌煌猶昨日餘者安存

耶楊應詔記

如虛日不何能余亟命道澄啟

辭世偈

丁野鶴

懶散六十三妙用無人識順逆兩俱忘虛空鎮長寂

吳山紫陽庵女道士有序雁門天錫薩都拉

吳山紫陽庵浙民丁氏棄族爲全真一日召其妻

入山書付四句云懶散六十三妙用無人識順逆

兩俱忘虛空鎮長寂抱膝而逝尸堂尙存其妻束

髮簪冠爲女道士奉夫尸不下山二十年一節可

天尙也姓王名守真一作守素因賦此以贈之

不見遼東丁令威舊遊城郭昔人非鏡中人去青鸞

老華表山空白鶴歸石竹淚乾斑斑雨在玉簫聲斷綵

雲飛洞門花落無人掃獨坐蒼苔補道衣七

紫陽庵集

不是紫陽洞薩都拉

天風吹我登駝峯大山小山石玲瓏赤霞日射紫瑪

瑙白露夜滴青芙蓉飄飄雲氣穿石屋石上涼風吹

紫竹挂冠何日賦歸來煮石篝燈洞中宿豫章

和韻揭傒斯曼頌

女媧擲玉生奇峯鬼斧夜鑿山玲瓏斷鰲翠骨僵自

起平地湧出千芙蓉山中仙人玉爲屋屋後屋前皆

種竹月明應有鳳歸來百丈飛泉掛星宿

錢唐凌雲翰彥紳

令威仙蛻在吳峯巨鰲戴石山玲瓏丹光透戶結龍
虎霞氣射日明芙蓉潮來海上如銀屋鳳下空中響
修竹羽人醉舞唱青天屈曲擔牙掛星宿

紫陽之山皆嶺峯懸道壑可同錢塘王正道子中

野鶴仙子居鰲峯參天怪石俱玲瓏蒼龍飛空懸薜
荔白鶴換頂呈芙蓉陰陰石洞開巖屋洞口清音鳴
水竹得閒來此滌塵囂飽食靈芝伴雲宿香入洞

紫陽之山皆嶺峯懸道壑可同錢塘瞿佑宗吉

春山聳翠如眉峯含雲斂霧雙玲瓏越王臺高擁螺
髻西施湖面開芙蓉野鶴仙人來結屋鳳管鸞簫吹

紫陽庵集

六

嶼竹玉女採花變作雲地勝應無山鬼宿

春山聳翠如眉峯含雲斂霧雙玲瓏越王臺高擁螺
錢塘陳復子仁

紫陽之庵凌奇峯仙人環珮搖玲瓏石巖壁立萬千
仞白雲掩映如芙蓉西風颯秋滿屋紫霄吹徹江
南竹詩成落筆清興長酒酣枕席莓苔宿

紫陽之山皆亂峯懸崖墜石何玲瓏樓觀滄海浴日

月手捫仙掌開芙蓉道人小結山中屋許我敲門來
看竹不見遼東丁令威夜寒誰伴西巖宿

春山聳翠如眉峯含雲斂霧雙玲瓏越王臺高擁螺
錢塘陳復子仁

吳山東南第一峯六鰲舉首撐玲瓏摩空仙掌結沈
澹拔地小朶開芙蓉天風吹花香滿屋屋外仙音響
絲竹道人約我不歸來自掃白雲壇上宿

客本山人巖向山中息外子翁前周璟

紫陽真境多奇峯神斧鑿出青玲瓏寒泉倒掛玉蛻
蛻晴勢高聳金芙蓉道人牽蘿補茅屋屋後屋前無
數竹何年我得謝塵緣來借雲房半間宿

東南突出第一峯白雲穿破碧玲瓏仙人有約下蓬

島凌虛手燃金芙蓉石林中結茅茨屋翛然幾箇琅

紫陽庵集

尤

玕竹令威化鶴未歸來知向海天何處宿

紫陽之山白玉峯摩天射日光玲瓏仙丹煥斗出金

鼎雲氣觸石開芙蓉洞中深深石爲屋白鶴巢松鳳
棲竹下翁一去不復回留與星冠道人宿

紫陽庵觀丁野鶴遺蛻清奇巖表玉

客本山人還向山中息伐毛滄海上煮石膏厓側
鶴胎養元牝蟬蛻遺金骨此身亦非我去來偶相值
丹砂誤時人空復鍊形質山房夜不扃孤猿嘯寒月

吳山與閩方伯飲紫陽庵程敏政

一縷茶烟濕未消，幾梯雲路暗通橋。濤頭盛擁鴟夷怒，亭上清留野鶴標。病目臨風常帶纈，裘經雨半成潮。頻來便礙非生客，逕揖山靈不待邀。

丁真人祠

王穉登

丹壑斷人行，琪花洞裏生。亂崖兼地破，羣象逐峯成。一石一雲氣，無松無水聲。丁生化鶴處，蛻骨不勝情。

紫陽夜坐

宋孫嵩

一夜燈前白紵單，沈吟有此夏初寒。露零若與人相語，松杪蕭蕭下石壇。

紫陽庵

屠隆

紫陽庵集

二

靈峯盤陰森，一一疑飛鸞。天窗開石扇，玲瓏雲霧屯。斜陽挂寒溜，秋潭生夜喧。清冷若神漢，下浸古松根。仙人煉丹處，至今遺蛻存。

山風吹鶴巢，天香送清磬。竹房寂無人，暝色返孤磴。犬吠浣花源，猿迷採芝徑。平生愛林栖，端居愜幽興。莫如忠

紫陽樓觀鎖烟霏，上界鐘聲落翠微。無地可逃車馬跡，有山卽與市朝違。林端遠淑千峯靜，郭裏晴嵐萬樹暉。試問昔人能羽化，前身好是令威非。

紫陽洞天秋霽

祝時泰

古洞美清曠秋來苦霖積長風捲浮雲
齊景是朝曉良朋相攜遊捫蘿訪遺跡
聊爲一樽聚班荆傍泉石爽氣暢襟期
嵐翠染巾烏徙倚情自怡觴詠陋所適
谷靜烟霞深迥與塵世隔願言卜幽棲
百年謝形役

高應冕

散步入紫陽靈境信超絕秋聲響萬壑
林影互明滅山氣日夕佳宿雨坐來歇
亂峯轉蒼翠古木秋陰結僊去白雲殘
照落飛鳥沒遂爾絕塵想長嘯恣攀閱
遙望大江東空天忽明月

王寅

紫陽庵集

五

羈旅得朋好夙約相與尋幽真不出野
城中有雲岑背市麓方振循流谷彌深
深洞垂芙蓉摩崖異球琳秋雨變朝日
新陽散沈陰餘潤高灌木爽氣鳴棲禽
在物亦適性況予延賞心旣集綠苔酌
復理朱絃琴雅調眾俱合酬酢力不任
靜言愧薜荔而何厠華簪

劉子伯

四野散積靄晨霞燦高天秋淨草木疏
氣匝巖壑寒石牀蘚花合碧洞珠泉懸
一覽始豁抱萬象紛目前緬想紫陽客
詎逐元化遷感此百年內蹉跎雪盈顛
華觴薦旨酒一飲須十千富貴固委命
逍遙始稱賢

吾儕咸達侶斯言諒其然

方九叙

日暮登山椒雲陰尋解駁洞門斂夕霏林芳吐秋葍
仰瞻山鬱葱俯聽泉澆澗矧與良儔偕彌欣心賞數
是月衣已授揆時日在角振鳥躡僊巖駐顏慕靈藥
誰謂道渺冥聊以謝囂濁真人張紫陽昔此翔寥廓
童漢臣

人生寄大塊歡樂恆難期榮辱我神憂患成吾思
慨如影如形誰能不蹈之緬茲洞天幽爽日拂涼颺
做讌凌萬峯俯瞰人寰低相將仲蔚儔岸幘披雲霓

紫陽庵集

三

舉酒酌流霞振足升天梯高揖紫陽君吾今悟世迷
沈仕

令節從三益芳踪接九仙探奇臨絕壑躋迥出飛烟
菊醞浮元爵蘭殮入野筵日含巖乳潤雲浥洞華鮮
鳳竹金隋映龍芝玉橙旋人疑迷漢世樹似歷秦年
后羿真知藥安期已悟玄凌風多妙思歌詠有瑤篇
和薩天錫贈吳山紫陽庵女道士原韻

孫相

一日登元與世違菱花落盡玉顏非不知別鶴捐琴
去猶望雙鳧化鳥歸古洞獨看蒼蘚合空山惟見白

雲飛當年定有青鸞信相約瑤池奏羽衣

曾詩丁野鶴

張楷

蟬蛻仙人丁令威神游物外久忘歸百年亂石閒雲
沒萬里長江野鶴飛雪壓斷崖垂竹幔雨荒斜徑長
苔衣坐中忽憶泉臺友大夜茫茫得所依

紫陽道院

張楷

看徧吳山此獨清山環秀色水流聲石邊草長偏宜
坐洞口雲來不碍行白鶴引人知路遠青精和飯覺
身輕結茅便欲依平叔塵劫勞勞苦繫情

紫陽道院

韓雍

紫陽庵集

三

怪石巉巖削不成紫陽風景十分清巔崖有路雲常
護陰洞無人草自生白練橫江潮浪湧翠屏隔岸越
山青我來登覽懷思遠直上峯頭望帝京

瑞石山

劉傑

野鶴亭下石崢嶸鳳舞鸞飛造物成山岳有靈鍾異
氣塵寰無處見餘清芙蓉陰冷蒼苔古瑪瑙光寒紫
氣生獨上鰲峯舒老眼吳中真趣卽蓬瀛

紫陽道院有感

劉常

曾記當年到紫陽乾坤秀發地中央半空翠擁鰲峯
出萬壑雲連瑞石長玉洞碧桃常不老錢塘舊業已

淒涼夢中猶憶西湖路辜負寒梅幾樹香

紫陽道院

峯前天籟發紫竹在夏寅

灌木奇峯擁翠微肩輿已轉到巖扉四時有景野花
發六月不陰巖雨飛仙境使人題不得樂遊還我醉
扶歸紅塵只隔丹霞近長笑杳然忘世機

游紫陽洞

峯前天籟發紫竹在夏寅

石級清懸絕薜蘿洞門深做野人過霜林葉盡羣峯
出風岫烟開夕照多誰囑白雲尋鶴蜕自摩蒼蘚寫
樵歌登臨日少歸期促白髮青山柰老何

紫陽庵

董其昌

紫陽庵集

言

初鄰塵市點靈峯徑轉幽深紺殿重古洞經春猶悶
雪危崖百尺有欹松清猿靜叫空壇月歸鶴愁聞故
國鐘石髓年來成汗漫登臨須愧羽人蹤

尋真行

張復陽

尋真行過滌凡池芝巖藥圃香風隨路入松關見石
屋歸雲洞口堪棲遲青芙蓉間紫瑪瑙望江樓上烟
波渺越山吳地物華新翠壁丹崖風日好花間迎見
雙玉童青螺並髻顏桃紅借問先生在何處指言採
藥山之東素駝峯前天籟發紫竹林中吾徑滑半山
巖岫白雲封松頂猿啼雀聲憂黃庭兩卷理自明瑤

琴一曲心何清仰觀俯察無愧怍紛紛萬物爭相縈
探龍窟兮登鰲峯琅玕翡翠搖玲瓏坐忘巖傍成道
樹丁仙亭畔垂雲峯珠璣錯落天錫句龍鸞飛舞松
雪字光華熠煜星斗壇烟霞出沒神仙地月泉澁澁
丹竈紅隱仙巖下蹲獅雄紫陽臺邊玉蟾穴中宵吐
白光腫朧迎真橋迎朝元路玉虛殿閣香雲護舉頭
遙禮列仙堂神靈頓覺心開悟清風吹上凌霄巔超
然晏坐忘機緣帝君憐我精且虔置身如在天中天
尋真路

張復陽

瑞石山前紫氣浮芝童邀我採真遊幾聲葯犬雲中

紫陽庵集

五

吠應有仙家在上頭

滌凡池

張復陽

一泓寒碧半山逢滌去凡塵百慮空但覺通身毛骨
爽不知兩袖起天風

採芝崖

張復陽

石磴攀緣出薛蘿碧巖間得採芝歌舉頭一鶴沖霄
去知有仙人此地過

紫陽道院

黃達

萬竹蕭蕭戶不關洞天高處隔塵寰神仙留得清風
古羽客陪將白晝閒樹色遙迎江鳥宿鐘聲長伴海

潮還凭欄更望西湖景人在蓬萊第一山

紫陽庵聯句

劉珏沈周
史鑑沈召

山爲春城媚鰲峯更可觀劉珏便當輕五老何待覺

三韓沈周靈氣知深鬱奇形惜太剌史鑑俯身穿石

罅側足上崖端沈召嵐重行衣濕苔深步履乾珏小

庵幽處縛重殿缺邊攢周日近關常煖霞封洞不寒

盤蘿龕仙骨蛻木像古真刊召聲宿鳴琴室香餘拜

斗壇珏把芝呼白鹿種竹引青鸞周屢憇純陽子時

遊靖長官鑑曲闌憑瑪瑙橫管執琅玕召沉瀣非凡

食芙蓉是道冠珏龍猶圍故鼎烏解琢遺丹周逸跡

紫陽庵集

三

追何及長生學不難鑑揮杯送雙目隨鶴過江干召

登吳山第一峯至小飛來丁仙閣

許迎年

登臨頓覺盪心胸萬井炊烟晚聚壩地繞江湖饒勝

槩天容仙佛現奇踪風生幽谷傳清籟雲出危崖結

異峯城市都藏靈鷲境喧囂聲接梵林鐘

望江樓

百尺危樓聳飛樓壓大江望來潮勢湧殊覺壯心降

過雁聲連榻歸帆影入窗曉來閒眺處幽景世無雙

丹崖

丹崖深幾許顏色照江楓
雨後秋霞斷雲開曉日紅
久知巢彩鳳還訝隱蒼龍
何用尋蓬島仙家卽此中

玲瓏石

徐誌

環峯多怪石奇古不知年
雲氣常穿竇霞光直透巔
幽通滄海上影落太湖邊
訪道時清暇相歌日醉眠

石屋

徐誌

一窟如懸磬神工巧琢成
骨毛寒氣逼座榻白雲生
不雨常含潤無風也自清
惟餘丹竈火午夜透關明

石屋

任瑀

天然一室等崆峒四壁懸
蘿翠靄重不用朱門金鎖

紫陽庵集

毛

鑰夜深常有白雲封

垂雲峯

任瑀

白雲飛下小峯來朶朶芙蓉
映日開爲是當年降王母
鳳笙鸞管沸瑤臺

丹藥竈

任瑀

曾將鉛汞養金丹太乙爐
存瑪瑙盤仙去卻教山鬼
護夜深光射斗牛寒

登吳山尋紫陽庵

顧嗣立

絕愛吳山半點青昔年於此
誦黃庭飛來不是遼東鶴
何故先人亦姓丁

隨風落腳紫陽洞
瑤芙蓉列小窗
莫怪照磨題句
好半杯湖水一灣江

紫陽洞

樊良樞

勝跡遺丹竈
高居入翠微
雨昏江漲遠
雲湧石林肥
染翰彩虹下
浮觴白鶴飛
幽探共朋好
一振薜蘿衣

紫陽洞

曹學佳

迢遞吳山頂
秋空霽夕陽
江湖兩片白
雲樹幾重蒼
洞曲猿聲隱
亭高鶴背涼
適從何處入
欲出徑俱忘
同雲閒吳山人沈翰林游紫陽洞

毛奇齡
西河

紫陽庵集

庚

橫江高堞倚天梯
曲磴盤空極望迷
雪壓兩峯寒雁度
烟臨萬戶夕陽低
層巖裂石分丹壑
一竇穿雲滴紫泥
坐對瀛臺仙仗客
何年蓬海共招攜

秋江練影挂中林
共坐松壇聽語禽
碧署元書慚抱璞
紫陽丹竈羨燒金
懸厓天半玲瓏氣
過澗雲移薛荔陰
四顧倘能尋舊跡
三宮還在最高岑

紫陽山遠眺

朱時彥

山秀橫空起
松濤瀉冷風
目空千界影
樓出半巖中
雲擁石床白
花搖竹檻紅
鶴聲天外落
仙路詎難通

游紫陽丁仙化處用張靈韻

陳天挺

駝峯石磴絕藤蘿借得天風日日過翡翠光分秋影
麗芙蓉青照晚霞多夢尋鶴蛻頻留戀身入雲烟縱
嘯歌但遇仙踪已忘世不知仙去更如何

九日飲紫陽洞

章士斐

紫陽洞石開何時平地褰衣乃在茲秋色正高陰半
垂石筍倒豎橫空施一生意趣寄山水況值佳辰重
九美尋常酒榼不費錢到處逢人亦爾爾選幽此日
詭無人捫碑探字形失真忽然叫絕得全讀呼酒列
坐苔爲茵杯行無次竟霑醉酒雲重蒸飛雨吹日腳
入地賦歸兮猶看海棠斜過寺

紫陽庵集

无

丁仙亭

王修玉

草閣平臨古澗寬流泉疏竹繞齋壇人歸化鶴常遺
世客到題詩獨倚闌紫蔓著花秋色老蒼松落子雨
聲寒尋眞更向峯頭去洞裏仙人碧玉冠
珠樹一枝枝飛昇在幾時何曾肉體爛不畏業風吹
地底海潮動天邊日馭移人生求妙用懶散最相宜

何玉機

君不見當年黃鶴樓笛聲吹徹洞庭秋黃鶴高飛不
復返仙人踪跡空山邱又不見當年丁令威遼陽跨

鶴去無歸藥爐丹竈土花碧皎皎寒月流清輝紫陽
佳氣多鬱鬱中有幽人寄高躅餐霞吸露斷塵緣坐
狎溪猿與山鹿不燒大藥不煉形有時亦醉醉亦醒
曠懷自足小天地遺世寧復憂滄溟脫落塵寰六十
載馭氣乘雲忽蟬解驂鸞陪宴過瑤池朝發西湖暮
東海丁仙仙去何時還白雲深鎖洞門閒桃花開落
乾坤老鶴唳一聲萬山小

偕柴陞升吳寶崖二子遊紫陽庵

馬銓遵素

垂老依朋侶相將曳杖遊橋通仙館路人眺越江秋

紫陽庵集

三

跨鶴三清遠尋碑二妙優

時柴吳二子過訪碑碣予以足倦不克從

不嫌

歸薄暮此地足勾留

毛先舒稚黃

游罷紫陽洞歸來夢亦清中宵聞鶴唳片月迥孤明
湖海渺然耳乾坤亦幻成薩公題石處活活暗泉聲

紫陽山荅友

吳農祥

海門島嶼微澤國雲霞曙道人丹藥成斜渡石梁去

瑞石山仙閣雜詠二絕

楊紹武鐵觚

層巖十丈綠苔痕丹篆文鏤青石門古砌新經松雨
濕無人踏破白雲根

山林一枕卽神仙戶外烹茶喜玉泉
竹院無鷄驚午夢松關有犬伴雲眠

紫陽山丁仙歌蘇平野前於紫章楹

一片紫雲大于掌吹落空山臥林莽
頑苔醜樹絡其根中有矚仙披鶴氅
矚仙去歲已深冷冷山月留孤爽
鑲骨猶傳古蛻函屈跌略覩芒屨
兩聞翁住山不計年一朝撒手隨巖烟
本無意外作奇特掉頭說偈偕微玄
矚仙本無名厥名寄野鶴日出海東霞
萬里恣拏攫且復還滄桑寧更戀邱壑
咄哉君家令威叟歸來華表何其鑿

紫陽庵集

三

東嶺雨中愁紫陽道院

周茂原 崑山

石壇高館鬱崢嶸香霧微茫卷翠旌
玉女窗涵山雨潤仙人樓瞰海潮平
瑤笙白鶴空中舉錦樹繁花坐外明
夜向朝元探寶籙雙珂儼作步虛聲

其來過紫陽洞古洞風起翠蘿蒼籙未聞笙 牧仲

名山今入手長嘯向孱顏城闕烟中出
江湖杖底環亭開瞻雲大于掌吹落空山
臥林莽頑苔醜樹絡其

睿藻路轉得禪關吳越當年恨消沈磬響聞

紫陽洞

景星杓

丹臺閎塵市閨寂如深山嶽嵌巢雲峯半出松篁間

委蛇度飛閣虛皇沖玉顏大道自無爲世人空扣關
白雲猶在茲野鶴何不還徙倚空亭上心對秋江閒
末由追遺踪揮手謝人寰

丁仙閣

錢塘王峻次山

澹蕩烟霞與水光道人不復臥斜陽祇留白日人閒
世一別青山夢裏鄉鶴去亭空丹竈冷客來風細藥
爐香當時妙用誠難識惟有閒雲滿石牀

題丁仙洞

桑調元 葭甫

巖凹秋草綠芊芊共躡危梯眺遠天雲氣六時生洞
底江光一掬散亭前鶴歸城郭知何日雁落沙洲帶

紫陽庵集

五

晚烟太息神仙終寂寞日斜沽酒莫論錢

游丁仙亭

桑調元

松潮盤瀉玉虛宮吹到仙巖藉好風洞口無人殘月
曉白雲穿透碧玲瓏

清名底用注飛仙無際青山世外緣獨鶴他年游不

返杭州城郭故依然

登丁仙亭

盧存心

羽人舊指碧巖棲一徑松梢上石梯孤雁聲遙千堞
外高峯影散兩湖西雲歸丹洞蒼苔冷月落空亭古
木齊後夜橫江仙驥返鳳皇城郭總低迷

和桑菴甫韻

盧存心

飛來石外樹葱芊指看千巖積翠天
睨近環亭檻下薜蘿橫挂洞門前
駝峯凸凹銜新月鶴影盤旋悵
舊烟共約幽棲在靈境拂衣速辨買山錢

紫陽庵

吳甲

小築林皋地自偏偶來相對亦悠然
寒巖齒齒消殘雪野竹蕭蕭動夕烟
玉杵香春新採藥寶蓮茶品舊
題泉何妨乘興忘歸去獨坐斜陽樹影圓

同人除夕游紫陽庵分賦

吳廷華

饑歲同經小有天尋眞路出紫陽
巔喧闐街市寒烟

紫陽庵集

三

外谿壑紆回落照邊吳地尙憑山
著姓丁家大抵鶴稱仙舊游千載嗟
睽隔相對歸雲獨惘然

歸雲洞

吳廷華

出山有客如雲飛雲飛出山何時歸
歸雲應笑未歸客白衣蒼狗幻千百
不如歸去扇雲門雲中靜對扶
桑暎洞壁尙留氤氳痕

元日向子功來邀登紫陽山玩石分賦

天心重元日向曉開晴光客居近
名山亭午攜新觴

旣醉騁游覽行行登紫陽此山不在高
乃是丁仙鄉

丁仙跨鶴去列石留山莊品題尙我輩抽思入毫芒
神龍獨天矯威鳳雙迴翔雲端走白鹿洞口眠青羊
有若仙翁來醉臥喬松傍一夢入華胥輕風送微涼
又若大比正翹勤禮空王從茲證無生相攜上慈航
吾將有建置先爲審所長大園植修筠嗟峨築巖墻
清音灑虛白生氣凌高蒼幽池蓄文鱗玲瓏駕浮梁
平波想極樂邃穴期深藏一一儲材器用之各有方
眾妙頗難述進酒娛清狂佳遊洵非偶韻事安可忘

紫陽山丁仙歌

仁和五

錫百朋

紫陽山人丁野鶴辭家卻不去城郭洞口羞逢阮肇

紫陽庵集

三

花市間笑賣韓康藥白云懶散六十年都忘順逆成
神仙預知蟬蛻召妻至翠旌孔雀麟洲邊婦乃姓王
名守素餐霞亦向山中住文簫詎棄彩鸞行鮑女終
偕葛洪聚似勝遼東丁令威何須苦歎人民非他年
化鶴歸華表應見雌雄比翼飛

紫陽山丁仙亭

陳邦瞻

吳出無不佳紫陽獨勝絕石磴疑神鑿雲關亦天設
乍窺驚哈呀轉陟愛幽豁林巒非一態烟光互明滅
淒淒白日烟嫋嫋涼飈發昔時餐霞人于此蛻塵骨
孤鶴去無還瑤草芳徒歎長生本空言精靈憑誰結

萬古滄波流百年飛鳥瞥吹簫跨彩鸞黃土何分別
欲將曠土懷轉爲靜者說

紫陽山丁仙洞歌

鄭

江璣尺

羽客蟬蛻遺仙蹤玉窗石室烟雲封藥爐丹竈久蕪
沒但見懸厓倒掛龍鱗松鶴馭飄颻駕霄漢瑤笙縹
緲騰天半橐駝峯立啟巖扉月波泄古留苔岸昔人
化鶴遼東歸城郭雖是人民非只今野鶴重來日惟
認丹霞抱翠微

和薩天錫紫陽洞原韻

鄭

江

吳山崑萃標危峯乳竇泉脉穿玲瓏朝來微雨洗淺
黛亭亭削翠開芙蓉疏林縈帶幽人屋何人空際吹

紫陽庵集

三

橫竹餘霞落日映金鰲巖上白雲留我宿

秋霽游紫陽洞同厲樊榭丁敬身陸苞洲張詩

圃分韻

戴廷禧

披豁山光步履宜境尋幽仄轉靈奇秋林意遠清江
淨古洞陰濃白日移題壁已看人去久游仙應笑鶴
歸遲風前吟鬢蕭騷甚倚檻思橫鐵笛吹

紫陽道院同徐松之作

李式玉

地接三茅近山藏七竇靈叱羊原是石舞鶴獨梳翎
古洞留碁局瑤壇畫斗形夜深潮欲落相對數峯青

蓬山無俗匹夫婦喜同參一鶴坐常寂雙鸞舞已酣

蒼苔餘破衲枯木賸遺龕作傳慚予拙尋碑到野庵

時修浙江通志
予為丁仙作傳

歲除日同江聲東壁鷗亭游紫陽庵

厲 鷗 樊榭

趁閒同過羽人居怪石玲瓏玉不如江影一窗開洞

壑松聲滿耳接空虛鐘鳴塵界知春換碁罷仙家忘

歲除我已行年何子季比來百念轉蕭疏南史何子季云吾年

五十有七食四斗米不盡何容復有宦情子年正與之同也

紫陽庵集

朱 樟

丁仙庵次徐茗園韻

洞門深閉夕陽微向背芙蓉欵石扉但許樵夫遵藥

徑待呼仙眷補霞衣山有補衣石乳枝過處泉初落春夢

回時鶴一飛我欲投閒從懶散篝燈舊願已重違煮石

篝燈洞中宿
薩雁門詩

丙申夏日積雨初晴偕莫漪園王雲廷舍弟棠

原甥汪雙白兒子以炬之煒暨鍊師和公鑑

游紫陽山 徐 本

春去閒游趁晚晴紫陽勝境自崢嶸層峯盡帶芙蓉

色片石空傳瑪瑙名雲護深龕仙跡渺烟迷蕭鳴鶴

聲清道人指點山前路草碧花香一侶行

王雲廷

山色菁葱雨乍晴探奇共試躡崢嶸樹欹絕壁空餘

跡鳥轉巉厓不記名石氣拂衣丹竈冷澗聲落戶月

池清薩公遺句依然在底處遲迴欲緩行

游紫陽庵

仁和

鄭厚

良載

解鞍辭卻馬頭塵把酒山窗看白雲不見仙人丁野

鶴題詩欲問紫陽君

憩吳山丁仙亭喜其巖石奇幻齊召南

清晨登吳山探奇選邱壑不意飛來峯又飛入城郭

紫陽庵集

三

有亭名丁仙千載想控鶴怪石湧峻嶒變幻誰造作

遠視崢嶸并近觀形態各夷者羣玉平峭則太華削

缺疑萬戶修隘必五丁鑿玲瓏嵌空虛對人勢欲落

色皆含晶瑩黯淡雕月魄驚濤濺龍門寒風結洛澤

衡陽火雲起出岫未離腳巨靈信工巧道流善棲託

能於繁華地幽寂藏卓犖眞山乃假山堪愛更堪愕

時俗喜喧闐此閒絕屨屨望望西子湖簫鼓紛行樂

登峯發長嘯江天睇寥廓

秋霽游紫陽山分賦

張雲暘

滌岑

居近城南小洞天乍晴風景勝游便巖花明媚秋光

裏山影清寒夕照前苔蝕蒼碑猶辨字日烘丹竈欲
生烟仙公鶴跡蕭然在元品他年待續編元品錄張
伯雨撰序
仙跡至徐洞陽止而丁野
鶴未及與故落句及之

偕周大斐瞻登瑞石山

徐夢元 徐村

蹋破雲門滿路烟此身已在碧峯巔苦爲衣食輕干
里恨別家山又一年荒塢憑誰招野鶴空亭何處問
飛仙同來不盡登臨感坐對江湖夕照天

紫陽山遠眺

柯一騰

靈巖一十二盡隸紫陽峯峩峩千尺餘壁立青芙蓉
今晨振衣上俯仰將何窮江流春潏潏直與滄波通

紫陽庵集

吳

我慕紫陽子百歲顏如童朝騎鳳凰來飛入青雲中
于今朝元路丹竈成虛空願尋千歲藤服食乘天風

上已同陳對漚登瑞石山

施安 竹田

小市向門山色斜躋攀仍得到烟霞江浮碧樹初疑
雨路轉紅亭盡種花如此好懷能幾日不堪上已欲
辭家緘書爲報吳興老來共寒鐘試佛茶時對漚新
自茗上之

廣陵

八月十日偕同年應穆堂登吳山入紫陽洞觀

青芙蓉飛來石仍尋東坡感花巖故蹟

沈咸

秋陰蹤遠目沿尋吳山隈迢遞登高岡犖确翠成堆
紫陽好洞天仙人遺重臺露滴青芙蓉宛似蓮花開
嵌空飛玲瓏露壓相驚猜石上留舊題歲月記追陪
元都薩學士篝燈美天才緬懷蘇長公故跡生莓苔
我友忝幽討仄徑搜枯芩路窮峯忽轉一壁光皚皚
撫慕古石刻慘淡嗟崩頽長歌猶可讀劉郎安在哉
憑誰語春風千古同悲哀好花渺何處不忘人姓崔
此地今爲耕滅沒荒草萊游者愛喧闐境絕無復來
大書竟零落歎息等飛灰安得覆以屋應藉良吏裁
吾徒媿貧乏流覽空徘徊勝事終有待厚望傾金壘

紫陽庵集

五

應際盛

弱齡愛邱壑攀躋窮巖隈探奇捫石碣披扶穿雲堆
愛息三十年夢寐仙人臺登臨豁虛襟重喜心目開
深林幽鳥鳴忽若相疑猜羣峯皆萃嶽一一如追陪
江山緣勝事從古資仙才緬想數君子光照荒蒼苔
流傳壁上詩生意回春菱子今幾百年崖谷空皚皚
摧殘亦有數何物無傾頽霜臺舊良史懷古思悠哉
滄桑有時變詎足縈心哀但恨看花人何似當年崔
仙蹤亦渺矣遺蛻滿蒿萊高松繫白日元鶴何時來
山靈蘊精爽未肯同寒灰常留碧山石尙欲憑化裁

秋陰落空翠歸路忘迂迴不惜斟酌之願傾瓶與罍
紫陽道院
陳景鍾

月波洄澗翠苔乾紫竹蕭蕭瘦影寒山鳥啼殘栽藥
圃松風吹冷禮星壇空亭時過游人屐石鼎難尋羽
士丹更倚危欄望滄海暮潮捲雪上江干

王若溪孝廉招集吳山道院遂登丁仙閣

屠倬

烟蘿深閉山之坳只合仙人來結茅極望江天橫匹
練插空樓閣倚危巢雲依成道樹邊宿門向坐忘巖
下敲丹竈藥爐須料理近來塵事漸能拋

紫陽庵集

罕

紫陽庵咏丁野鶴

陳文述

斜日明霞接畫闌隔江山色翠千盤夢中華表歸仙
驥悟後塵緣謝采鸞青嶂雲深芒屨溼碧天風峭羽
衣寒荒庵終古留遺蛻瑤草松花滿石壇

紫陽庵

浣溪紗

顧岱

古木陰森鳥亂鳴紫陽風景最幽清九還何處訪丹
成芝徑雲封猿自守竹房人靜月長明碧山縹緲
步虛聲

丁仙亭

驀山溪

吳焯

尺鳧

伍胥山曲千歲丁魂冷破石走驚風下穿崖如垂橘

